


ANG BUGTONG DAPIT

NGA GITAGANA SA DIOS

NGA PAGASIMBAHAN

 Maayong buntag! Malipayon ako nga mahianhi dinhi niining buntaga. Ug malipayon kita, nga nagakalipay sa niining dakung pagpakigkauban alirong niining dugay na nga mga kalantahon sa pagtoo. Gusto nato kana. Dili ba? Ang Amen nga alawiton. Mao kana kung unsa Siya, ang Amen, kita n'yo. Anaa Kaniya ang katapusang pagsulti.

² Nagalingkod ako niadto didtong dapita nga nagapakig-estorya sa dugay ko nang higala, si Igsoong Brown, samtang nagpadayon ang mga kalantahon. Ug miingon siya, “Igsoong Branham, wala ko pa gayud nakita hangtud kagahapon lang, kung unsa ang dugay mo nang ginahisgotan.” Miingon siya, “Kung makuha lang unta sa mga tawo kung unsa ang imong ginahisgotan,” miingon, “mapadaplin na gayud ang tanang babag.” Husto gayud kana. Husto kana. Husto gayud kini. Kung masabtan lang ninyo Kini ug makuha Kini. Kita n'yo?

³ Sa pagpakig-estorya ko sa gamayon kong higala, si Ernie Fandler. Ang pipila kaninyo siguro nga nakakonekta diha makahinumtum pa kang Ernie, kung giunsa siya sa pagkabig, kung giunsa siya pag-agak ngadto sa Ginoo. Dili siya makasulti kaayo og Ininglis, o gusto ko siyang moanhi aron mosulti. Ug dili magkadimao ang iyang *we's* ug *W's*. Gipangutana niya ako kung mahinumtum ko pa ang panahon didto sa Shawano kon diin siya niadto nagapuyo. Aduna'y usa ka lalaki nga namatay mismo didto sa panagtigum, nahulog sa iyang lingkuranan og namatay, nga Lutheran. Nanghilum ang tanan niadto. Gilitok ang Pulong sa Ginoo diha kaniya, nabuhi siya pag-usab, miabot mismo kaniya. Dili gayud nila kadto malimtan, gustong pabalikon kami pag-usab.

⁴ Masabtan ko nga sa Pransya, niining buntaga, aduna'y kapin sa duha ka libo ka mga tawo'ng-Pranses nga anaa sa pipila na ka adlaw nga pagpuasa aron dalhon namo ang Mensahe ngadto sa Pransya diha sa Pranses nga pinulongan. Ang maong tibuk Protestanteng nasud, ang Protestanteng bahin sa maong nasud sa Pransya. Ug busa kami . . .

⁵ Bag-ohay pa lang niini nagsugod og paglimbukad karon, bag-o pa nagsugod, ang tipaka nga nagakalaknit aron nga mabulad na ang trigo didto karon. Kita n'yo? Busa pagpadayon

nga magmatinahuron gayud, pagpadayon sa pag-ampo. Kita n'yo? Hinumdumi, “Kadtong nagahulat sa Ginoo, magabag-o sa ilang kusog.”

⁶ Karon, aduna'y...ako...nga nagakatigulang na, ug gihunahuna ko, “Ako bang...Magkaaduna pa kaha og usa pa ka rebaybal, makakita pa kaha ako og usa pa ka higayon?” Ug hinumdumi lang, nga moabot gikan sa kasadpan ang usa ka mangangabayo nga nagasakay sa puti nga kabayo. Subayon nato kining dalana pag-usab. Husto kana. Sa dihadhiha nga andam na kita. Usa kini ka saad, nakita n'yo.

⁷ Karon, gusto kong isulti ngadto kang Igsoong Leo... Gihisgotan ko ang bahin kang Igsoong Wood kagabii, ingon nga ania ang igsoon niyang lalaki. Igsoong Leo, kung ikaw man ug ang maong gamay'ng grupo nga nakakonekta dinha karong buntaga; Igsoong babayeng Mercier, ania dinhi ang imong amahan. Nakita ko siya kagabii. Ania siya dinhi sa bilding kon asa man, ug maayo kaayo siya tan-awon.

⁸ Sa buntag niadto nga giayo siya didto sa tabernakulo, aduna'y duha ka grabe na nga sakit sa kanser, himalasyon na gayud, ug pareho silang giayo. Ug ang ilang amahan, usa ka tigulang na nga lalaki nga giatake niadto sa kasingkasing, nakalingkawas alang sa kahimayaan sa Dios. Ug ania siya dinhi sa panagtigum kon asa man. Dili ko siya makita taliwala sa kadaghanan karon, apan ania siya dinhi kagabii.

⁹ Ang mga pagpangamusta ko sa inyong tanan sa tibuok nasud; dinhi sa niining maanindot nga lugar, sa Life Tabernacle dinhi sa Shreveport, nga puno sa nagkapunsisok nga mga tawo para sa Sunday school. Kabalo mo, kung nagpuyo pa ako sa Shreveport, dili sa pag-ingon batok sa kung kinsa man, apan kini ang mamahimong lugar nga pagaanhian ko sa pagsimba, dinhi mismo sa Life Tabernacle. Dili kini usa ka denominasyon. Ang Life Tabernacle, mao'y karon, usa ka tabernakulo nga abli sa tanang denominasyon. Migawas sila sa denominasyon tungod kay ila akong gidawat ug kining Mensahe nga akong ginawali. Si Igsoong Jack Moore, ang akong igsoon ug higala, gipagawas siya sa denominasyon tungod kay miuban siya kanako. Ug busa nahunahuna ko nga takus siya og usa ka pagpahinungod. Husto kana. Panalanginan siya sa Dios. Ug itaas n'yo ang iyang mga kamot diha sa pag-ampo, ug magtoo nga kauban siya.

¹⁰ Ug si Igsoong babaye nga Moore, dili ko siya makita kon asa man, siya'y...Oo, dinhi sa likod. Mora siya og batang babaye nga naglingkod dinha niining buntaga, nakabisti'g maaayo, bag-o, ug medyo nga sama sa pang-Easter nga bisti. Ug kini—sama kini og...Si Igsoong Jack mismo wala gani makaila kaniya. Karon, Igsoong babayeng Moore.

¹¹ Siguradong gimingaw gayud kita kang Anna Jean ug kang Don, ug kanilang tanan. Malipayon akong nakita ko si Igsoong Nolan, usa siya sa mga kaabag dinhi.

¹² Ug si Igsoong Ernie, gipangutana ko siya kagahapon kung iya bang kantahon kadtong *Amen*. Aduna ko'y rekord niini, ug nagasgas ko na ang maong butang sa pagpaminaw lang gayud niini, sa *Amen*. Nagtoo ko nga aduna siya og tingog alang niana; labawan pa ang kinsa man kanila. Ug ang gamay'ng si Judy, nahimatikdan ko siya; ang maong duha, medyo manag-igsoon gayud sila kon tan-awon. Dili ba? Magtiayon sila. Tan-awa ang matag usa kanila, makita mo kon ngano nga magkapareho gayud sila'g itsura. Kita n'yo? Ug pagkamaanindot gayud nga magtiayon. Kana, kabalo mo, kana'y... Si Igsoong Palmer nga bag-o lang misaka sa maong bulawanong hagdanan, iya kanang anak nga babaye ug umagad nga lalaki. Ug kana'y... Siguradong usa gayud siya ka gasa ngadto sa iyang maayong pagpadaku sa usa ka anak. Ug aduna usab siya'g uban pa, nga nakapagminyo og mga ministro usab, ug kini ang mga ebanghelista ug nga atua sa ilang misyon, ug uban pa. Busa maanindot gayud.

¹³ Wala ko nakita si Igsoong babayeng Palmer. Tinuod, wala ko kabalo nga kung makita ko siya makaila pa ako kaha kaniya, o dili. Siya'y, tingali, ania (siyempre) sa panagtigum kon asa man. Diha sa likod; ang Dios magapanalangin kanimo, Igsoong Palmer.

¹⁴ Mangurog ang akong kasingkasing sa matag higayon nga mahunahunaan ko kini. Bag-ohay lang misaka si Igsoong Palmer sa maong hagdanan hangtud sa, sa kadali lang, hangtud nga miabot kanako ang mensahe nga wala na siya. Dili gayud ako makatoo niini. Gitawgan ako ni Billy, ug may nakakuha'g... ug nahibalo sila. Sa ingon niana gayud kami ka suud nga managhigala, ug nga masayran nga wala na siya, makapaluya gayud kadto. Apan manggipanaw gayud kitang tanan, bisan kinsa pa kita, tagsa-tagsa gyud kitang manggipanaw. Apan aduna lang usa ka butang, "Dunggon nato ang katapusan sa tanang butang: Kahadloki ang Dios ug bantayi ang Iyang mga sugo, kay kini mao ang tibuok nga katungdanan sa tawo," Ecclesiastes 12.

¹⁵ Karon, wala ko'y igo kaayong panahon alang niining leksyon nga pang-Sunday school, ug pagaw pa ako.

¹⁶ Ingnon ta, nga nahimo ni Igsoong Pearry Green ang usa ka halangdon nga butang. Iya akong nadungog nga nagaingon, kagabii, "Nalimtan ko ang akong gamay'ng peluka aron nga mapabilin akong... " Gitawgan niya didto ug gipaningkamotan niya nga aduna'y mohatud niini para kanako. Ingon ko, "Ulahi ka na kaayo, nagakapagaw na ako." Tinuig akong naningkamot sa pagpangita og alibyo, apan sa nagkaaduna na ko niana,

naalibyohan kini. Apan nalimtan ko kini niining higayona, busa ako medyo pagaw na. Busa agwantaha n'yo na lang ako, kung mahimo n'yo, diha sa pagpanghisgot.

¹⁷ Karon, pila man ang may gusto sa Sunday school? Oh, sus, husto kana. Maayong butang kini nga patambongan sa inyong mga anak. Dili, tugoti kong tul-iron kana, usa ka maayong butang nga *patambongan* sa inyong mga anak. Husto kana, nga mapatambongan sa inyong mga anak; tambong pud kamo. Pila man ang nakahibalo kung giunsa una pagsugod sa atong Sunday school? Kung asa kini gisugdan? Sa Englatera. Unsa may tawag niini una? *Ragged school*. Husto kana, gitawag og “*Ragged school*.” Ingon nga nalimtan ko na karon kung unsay ngalan sa lalaki niadto nga mao ang nagsugod niini. Unsa kaha kadto, iyang ngalan? [Aduna’y nagaingon, “Robert Raikes.”—Ed.] Husto kana, husto gayud. Ug iyang gipangkuha ang gagmay’ng mga bata sa dalan (mga nagkagidlay, ug walay lugar nga maadtoan, ug mga salawayon kaayo), ug iya silang gipangtipon ug gisugdan ang paghatag kanila og mga leksyon sa Biblia. Ug milambo kini sa usa sa mga labing daku nga kahan-ayan sa iglesia, halos, sa karong panahon, ang Sunday school. Maayo gayud adtoan. Siguradoha ang pagtambong, dalha ang inyong mga anak. Siguro aduna ang tabernakulo dinhi og mga magtutudlo, sinangkapan nga mga lawak, alang sa mga nagkalain-laing edad, ug uban pa. Ug kamong mga bag-ong kinabig nga bag-o lang miduol kang Cristo, padayon nga makasubay mismo sa Mensahe; panganhi kamo sa Life Tabernacle, ug maayo ang mahatag niini kaninyo.

¹⁸ Karon, magkaaduna kita niining gabhiona og usa ka kinaraan nang pagpalinya sa pag-ampo. Mangampo lang kita alang sa mga masakiton sa paagi nga naandan na nato, Igsoong Jack ug Igsoong Brown.

¹⁹ Mahinumduman ko nga makita si Igsoong Brown nga naninguha og pagpanghatag sa kadtong mga prayer kard, ug kung unsa nga siya ingon nga usa ka ministro mismo. . . Ug niadtong mga panahona, diha sa usa ka organisasyon nga atong. . . ila siyang gipalisud-lisuran, kabalo na mo, “ako—ako’y igsoon ninyo,” sa niining butanga, kabalo na mo. “Kinahanglan nga paadtoon n’yo gayud ako didto.” Oh, siguradong nagkalisud-lisod gayud siya, apan mipabilin gayud nga ingon ka samot pang matinud-anon. Si Igsoong Brown usa sa maong maayong lalaki. Ug busa gimahal nato siya.

²⁰ Ug samtang makita ko kaming tanan, kaming tulo nga paingon na sa. . . nga hinayhinay nang nagakatigulang, sa kaulahian. Mamahimong usa ka masubo nga butang kini kung wala namo gipahimutang sa sulod kanamo ang kanang halangdong butang, kung unsay nahibaloan namo nga mao’y Kamatuoran. Pabalik na gayud kami usa sa niining mga adlawa, pabalik ngadto sa among pagkabatan-on pag-usab, aron nga dili

na gayud. . . mangausab na ang among mga lawas, mangahimo ngadto sa Iyang dagway aron magabarug. “Kay kon matun-as na kining yutan-ong tabernakulo nga atong ginapuy-an, aduna na’y usa nga nagahulat.”

²¹ Ug ang ginapasalamatan nga bahin niini, minahal kong higala, nga ang minahal nga Ginoong Jesus. . . Kamo nga nagasalig kanako sa pagsulti kaninyo sa Kamatuoran; ang minahal nga Ginoong Jesus, usa niana ka buntag sa mga alas otso, gipapakita kanako kadtong Yutaa. Karon, dili kadto—dili kadto usa ka panan-awon; apan dili ko gustong isulti nga ingon niana. Kung unsa man kadto, ingon gayud kadto ka tinuod sama sa nagasulti ako kaninyo dinhi. Karon, nakita ko ang mga nawong niadtong maong mga tawo, ug dili ako makaila kanila, nangbalik sila sa ilang pagkabatan-on pag-usab. Ug ingon gayud sila niadto ka tinuod sama sa. . . Magunitan ko ang ilang mga kamot ug ingon nianang mga butang. Ingon gayud ka tinuod nga. . .

²² Ug nakatabang kini kanako, tungod kay aduna ako niadto og usa ka ideya: nga sa dihang mamatay ang usa ka tawo, ang ila lang kalag ang mibiya. Apan dayon sa diha nga Iyang gikutlo kana kanako, nga “Kung mahitabo nga kining yutan-ong tabernakulo nga atong ginapuy-an. . . aduna na kita og usa.” Kita n’yo? Ug ang tanan nga anaa kanato anaa kinahanglan diha sa tutulo, aron mamahimong hingpit. Kita n’yo? Ug aduna’y usa ka lawas dinhi, dayon kadtong lawas didto nga mao ang—ang celestial nga lawas, ug dayon ang gihimayang lawas diha sa pagkabanhaw na. Kita n’yo, kana’y nagapakumpleto niini. Kita n’yo? Busa kini usa ka. . . Dili kini usa ka tinumotumo, dili kini usa ka ideya, dili kini usa ka espiritu. Usa kini ka lalaki ug usa ka babaye sama sa kung unsa kamo, eksakto gayud.

²³ Ug dayon, sa milabay nang mga katuigan, nakita ko ang mga lugar sa mga naalaut, ug nakaadto didto. Sultihan ko ikaw, higala, ingon nga usa na ka tigulang nga tawo, tugoting aghaton ko kamo niini, sa tibuok nasud niining buntaga, ayaw gayud tinguha nga makita mo kanang lugara. Wala gyu’y paagi nga mahimo kong. . . kung usa man ako ka pintor nga may dalang brutsa dili ko mapinta ang maong hulagway. Ingon nga usa ka ministro, dili ko mahulagway kaninyo. Ginaingon nga ang impiyerno usa ka nagakasunog nga lugar, mas minilyon ka pilo pa kini ka grabe kay sa niana, sa mga makalilisang nga nagauban niini.

²⁴ Ug ang Langit. . . o kining lugara, kon asa man kadto, dili ko kabalo kung unsa ang tawag niini. Iyang gipahinungdan kini didto ingon nga “mga kalag nga anaa ilalum sa halaran.” Apan sa atua didto, wala ko gayud. . . Wala gyu’y paagi nga masaysay ko kung unsa ka maanindot kini. Aduna’y. . . Karon, toohi lang gayud ninyo ang akong ginaingon, tawo lang ako. Kita n’yo? Apan kining mga panan-awon nga kanunay

nagakahitabo sa ingon gayud nga gisulti ko kaninyo, ug nasayod kamo nga ang matag usa kanila nagmatuod, matuod usab *kana*. Bisan unsa ma'y imong buhaton, kung masipyat ka man sa tanang uban pa (panglawas, kusog, imong pananaw, kung unsa man kini), ayaw sipyata Kana. Wala'y bisan unsa man ang mahimong ikakumpara niini. Kini. . . Wala'y—wala'y pulong sa Ingles nga pinulongan, nga nahibaloan ko, nga makapahayag niini. Kung ingnon mo “pagkahingpit,” labaw pa kini kay niana; “pagkamaanindot,” kini—labaw pa kini kay niana; “pagkahalangdon,” . . . Wala'y—wala gayu'y mga pulong nga nahibaloan ko nga makapahayag niini, tungod kay hilabihan kadto ka. . . Ug dayon, ang hunahunaon, nga dili pa kini ang kinatumyan niini. Nahunahuna ko, “Mahadlok ako nga mahiabot niini?”

25 Ingon ko, “Nagakaon ba mo?”

26 Miingon, “Dili dinhi. Wala kami nagakaon dinhi, apan sa diha nga mobalik na kami ngadto sa yuta manggidawat kami og usa ka lawas aron makakaon.”

27 Bueno, magunitan ko sila. Ingon *niana* gayud sila. Kita n'yo? Ug sila'y. . . Ingon ko, “Bueno, aduna kamo'y. . .” Oh, oo, aduna sila'y lawas. Dili lang nga tinumotumo, usa gayud ka lawas. Magkaila kami sa usa'g usa. Nakaila silang tanan kanako, nga gigakus pa ako, minilyon sila.

28 Ug ingon ko, “Bueno, gusto ko nga makita Siya Nga nagdala dinhi kanako.”

29 Nag-ingon Kini, “Dili mo Siya makita sa karon, kinahanglan ka pa maghulat.”

30 Ingon ko, “Ngano man nga gibutang ninyo ako. . . sa itaas dinhi?”

31 Miingon, “Usa ikaw ka lider sa kinabuhi.”

32 Ug ingon ko, “Ang pasabot Mo ba nga silang tanan mga Branham?”

33 Miingon Siya, “Dili! Imo kanang mga kinabig ngadto kang Cristo.” Kita n'yo?

34 Milantaw ako sa palibot, ug dayon ang tanang malisud nga mga gabii, ug mga pagsulay, nangalampasan na, sa dihang makita ko ang ilang mga nawong. Usa ka batan-ong babaye ang midagan didto paduol, usa sa pinakamatahum sa maong mga babaye, ug iya gayud akong gigakus, ug miingon, “Bililhong Igsoon.” Ug sa niadtong nakaagi na siya. . . Karon, usa siya ka babaye. Busa. . . Apan didto, dili gayud magkaaduna og sala. Kita n'yo, nailisan na ang atong mga glandula didto. Dili na sila mopadaku og mga bata, didto. Kita n'yo? Kita n'yo, mao ra gihapon tanan.

35 Unsa man ang nakapalahi, ang sensasyon. Mao kana ang hinungdan nga wala ako nagatoo sa pagsayaw-sayaw. Wala'y

tawong...ako, sa atubangan sa Dios ug sa akong Biblia, nagkinabuhi ako nga limpyo, sa ingon niana sa tibuok kong kinabuhi sa bata pa ako, sa tibuok kong pagkabatan-on. Si kinsa mang babaye nga nakauban ko, mahimo ko siyang maubanan mismo ngadto sa Paghukom. Kita n'yo? Apan wala'y lalaki, dili ko igsapayan kung kinsa ka man, ang makatugot sa usa ka babaye (diha sa kahimtang nga pagkababaye) iduol ang kaugalingon niini paggakus kanimo; kung usa ikaw ka mahimsog nga lalaki, aduna gyu'y sensasyon. Apan wala kini didto; wala na'y mga glandula. Pare-pareho na kamong tanan og glandula. Kita n'yo? Putli gayud, nga dili sinagolan nga gugmang inigsoong babaye ug lalaki, nga mahimong labaw pa kay sa imong...bisan sa imong...sa gakus sa kaugalingon mong gamay'ng batang babaye. Kita n'yo? Sa kaugalingon mong anak nga babaye, sa gihapon gihimo siyang...babaye siya ug usa ikaw ka lalaki. Kita n'yo, makahimo pa kini sa kung unsa; apan dili kini mahimo Didto, wala na'y sala, tapos na kini tanan. Kita n'yo? Ang tinuod...tinuod gayud, nga balaang Gugma.

³⁶ Ug gilantaw ko ang kadto nga babaye. Aduna'y...mora og minilyon sila didto, ug tag-as ang ilang mga buhok, ug nangsul-ob og puti nga tag-as nga mga bisti. Ug—ug kining Usa nga nagapakigsulti kanako, miingon, “Wala ka ba nakaila kaniya.”

³⁷ Ingon ko, “Wala.”

³⁸ Miingon, “Mga nobenta ka tuig ang iyang katigulangon niadto sa dihang giagak mo siya ngadto kang Cristo.”

³⁹ “Kahibulongang grasya, pagkatam-is nga tingog.” Kita n'yo? Wala gyu'y paagi nga masaysay kung unsa kini. Dawata n'yo lang ang akong pulong kung nagatoo kamo kanako. Siguradoha nga mahimo ninyong...sunogon ang matag taytayan sa kalibutan sa likod ninyo.

⁴⁰ Nagatoo ako nga nagasugod nang madungog sa iglesia ang Mensahe, ug sugod nang masabtan. Apan, mga higala, paminaw, kinahanglan nga mabulad kita diha sa Presensiya sa Anak, kinahanglan kitang mahinog. Ang atong—dili pa hinog ang atong pagtoo. Madungog nato sa intelektuwal ang Mensahe nga gikahatag sa Dios kanato, ug makita ang mga ilhanan nga Iyang gipakita kanato, ug mapamatud-an kini sa Biblia, nga anaa dinha, apan, oh, daw sa unsa gikinahanglan sa iglesia ang mabulad diha sa Iyang Presensiya hangtud nga nagakahumok kini, kabalo na mo, ug nagakatam-is na diha sa Espiritu aron nga malukop gayud kini. Usahay diha sa paghisgot sa Mensahe, nagakabagis ka, kinahanglan nga maipahayag kini sa ingon niana, tungod kay kinahanglan mong irimatse ang lansang aron mokapyot kini. Apan sa higayon nga makuha na Kini sa Iglesia, tawgon na pagawas ang Pinili ug ilain na, dayon diha sa Presensiya sa Dios, nasayod ako nga mamahimo kini sama

sa kung unsa ang mga tawo didto sa dihang mahitabo na ang Pagsakgaw niini.

⁴¹ Pagahisgotan ko unta niining buntag ang mahitungod sa *Ang Pagsakgaw*, apan wala lang ako’y igong tingog aron buhaton kini, ug busa pagpasensyahan n’yo na lang ako sa kadali. Kung unsa ang gusto kong hisgotan, mao ang hilisgutan bahin sa: *Ang Bugtong Dapit Nga Gitagana Sa Dios Nga Pagasimbahan*.

⁴² Karon, usa ka halapad nga teksto kini. Busa mag-ampo kita karon. Ug sa tibuok kayutaan karong buntaga, kung asa man kamo, iduko ang inyong mga ulo sa pipila lang ka minuto. Magmatinuuron sa karon, nagaduol kita sa Pulong sa Dios, nga mao ang Dios diha sa letra nga porma.

⁴³ Gamhanang Tagsulat niining maong Libro, “Usa Kini ka Binhi,” nga gikatudlo kanamo, “nga gipugas sa usa ka magpupugas,” nga mao’y giingon sa Tagsulat. Karon, naamgo namo nga motubo ang usa ka binhi kung anaa kini sa husto nga matang sa yuta. Busa, Amahan, mahimo ba nga Imong tangtangan niining buntaga ang tanang mga sampinit ug mga kadyapa, ug kawalay-pagtoo, ug mga tigduhaduhang panghunahuna pagawas sa among kasingkasing; nga ang Pulong sa Dios mahimong motubo nga gawasnon, nga gibisbisan sa Espiritu diha sa among mga kasingkasing, nga mamahimo kami nga mga tawo sa Dios. Itugot kini, Amahan. Mao kana ang among mga kasingkasing. Dili lang ngadto kanamo nga nakaila niini, apan hinaut nga aduna pa’y uban sa tibuok nasud, nga ang matag usa nga kasingkasing nagadilaab sa gugma ug kamabination, mangsangyaw aron kabigon ang nahisalaag nga igsoong lalaki, ang nahisalaag nga igsoong babaye. Itugot kini karon, Dios. Bug-os kaming nagapaabot Kanimo, tungod kay Ikaw ang among magtutultol ug ang among Ginoo. Busa nagaampo kami nga Imo kaming giyahan diha sa Imong Pulong karon, ug nga ihatag kanamo ang Imong mga pagpanalangin. Pinaagi sa Imong grasya ug sa Imong Ngalan amo kining ginapangamuyo. Amen.

⁴⁴ Karon, atong basahon alang sa atong teksto. . .Gusto kong mobasa gikan sa Basahon sa Deuteronomio, sa Daang Tugon, alang sa usa ka basihan sa Kasulatan. Aduna ko’y pipila ka mga tala nga dalidali kong gisulat human ko pagkagikan sa pagpamahaw kauban si Igsoong Vayle.

⁴⁵ Wala gayud ko nakahigayon nga mapasalamatan ang maong tawo didto niadtong hotel. . .niadtong restawran sa miaging gabii, nga mibayad sa among—sa among panihapon. Ako ug ang akong asawa ug ang gamay kong batang babaye atua didto, sa miadto ako aron bayaran ang akong balayronon, aduna na’y mibayad niini. Kung kinsa man kadto, ginapasalamatan ko ikaw. Giingon, “Ang maong tawo nga milingkod didto sa tumoy sa lingkuranan.” Siyempre aduna ang tibuok pundok didto nga

kaila namo. Karon, ako . . . mora og Kickapoo, mora'g ingon niana, ang lugar sa dapit dinhi, ang restawran nga didto kami. Salamat kanimo, kung kinsa man kadto nga mibuhat niana. Sa matag usa kaninyo, ang Dios magapanalangin kaninyo.

⁴⁶ Karon, diha sa ika-16 nga kapitulo sa Deuteronomio, pagsaulog kini sa pasko. Busa gusto natong basahon ang bahin sa nahaunang pipila ka mga bersekulo, ang una nga upat o lima, unom ka mga bersekulo dinhi.

Saulogon mo ang bulan sa Abib, ug bantayi ang pasko . . . (Nagkahulogan kana og “Abril.”) . . . sa GINOO nga imong Dios: kay sa bulan niining Abib gikuha ikaw sa GINOO nga imong Dios gikan sa Egipto sa gabii.

Busa mag-halad ka sa pasko ngadto sa GINOO nga imong Dios, gikan sa mga carnero ug gikan sa mga vaca sa dapit nga pagapilion sa GINOO nga papuy-an sa iyang ngalan . . .

Mag-kaon ka uban niini sa tinapay nga walay levadura; sa pito ka adlaw maga-kaon ka uban kaniya og tinapay nga walay levadura, tinapay—tinapay nga pinaagi niini, . . . kay sa madali migula ka gikan sa yuta sa Egipto: . . . nga mahinumtum ka sa—sa adlaw nga migula ka gikan sa yuta sa Egipto sa tanan nga mga adlaw sa imong kinabuhi.

Ug walay mamahimong . . . hikit-an nga walay levadura uban kanimo sa tibuok mo nga utlanan sa pito ka adlaw; ni mamahimong aduna'y unsa mang unod, nga imong gihaw sa nahaunang adlaw sa gabii, ang igabilin sa maong tibuok gabii hangtud sa pagkabuntag.

Dili ka maka-halad sa pasko sa bisan diin sulod sa imong mga ganghaan, nga gihatag kanimo sa GINOO nga imong Dios:

Kondili sa dapit nga gipili sa GINOO nga imong Dios aron pagapuy-an sa iyang ngalan, maga-halad ka sa pasko sa gabii, sa pagkatunod sa adlaw, sa panahon nga migula ka gikan sa Egipto.

Hinaut nga idugang sa Ginoo ang Iyang mga panalangin ngadto sa pagbasa sa Iyang Pulong.

⁴⁷ Karon, may pagkahanap ba ang mga mikropono? Madungog ko kagabii nga hanap sila. Maayo lang ba ang pagkadungog n'yo, sa palibot? Dili n'yo madungog. [Ginatul-id ni Igsoong Branham ang mikropono—Ed.] Mas okay na ba kana? Mas okay na ba kini, sa pagsulti sa mikropono nga nakapaubos sama niini? Medyo pagaw lang ako, mao nga nagatindog ako niining buntaga nga haduol tungod nianang katuyoan, ug nagalaum ako nga mamahimo ni Igsoong Pearry nga—mapadangat kini dinha.

Madungog n'yo na ba kini og maayo karon? Naayo na nila siguro kini. Sige.

⁴⁸ Karon, ang entab- . . . Ang butang nga gusto kong hisgotan karong buntaga mao nga ang Dios aduna'y usa lang ka dapit kon diin matagbo sa magsisimba ang Dios, usa lang ka dapit. Latas sa mga nangaging kapanahonan daghan ang nangita alang niining tinago nga dapit sa Dios, sa tanang kapanahonan. Bisan si Job gustong mahibaloan kon asa na siya nagpuyo, “Kung makaadto lang ako unta sa Iyang balay ug makapanuktok sa Iyang pultahan.” Gipangandoy ni Job nga makaplagan ang puy-anang dapit sa Dios, tungod kay didto ang Dios ug nga ang Iyang pamilya magkauban nga mingsimba.

⁴⁹ Sama kagahapon, sa mensahe kagahapon sa buntag, nasayran nato nga aduna'y posibilidad sa usa ka tawo nga simbahon ang Dios sa walay kapuslanan, inubanan sa matinuurong pagsimba. Nahilandam na sa Dios kining mga butanga alang kanato, apan ang importante niini, kinahanglan nga susihon nato aron makaplagan kon asa ang mga niini. Giingnan ni Pablo si Timoteo nga magsusi, ug nga—nga magmadasigon sa may kahigayonan ug sa wala man, andam sa pagpahayag sa—sa—sa pulong o . . . bahin sa paglaum nga atua kaniya.

⁵⁰ Karon, anaa dinha ang tanan niining mga butanga. Ug makita nato . . . Usahay gusto kong moanhi sa Shreveport kon diin magkaaduna gayud kita og mga duha o tulo ka semana nga makapahigayon lang og traynta ka minuto sa kada gabii ug alang lang sa pagpanudlo, kita n'yo, nga mopabilin lang diha sa Pulong, sa niining mga sekretong mga agianan, kita n'yo, kon diin nga atong makita kung unsaon nga makasulod. Ug bantayan lang ninyo, sunda ninyo ang direksyon sa Dios, aduna'y usa lang ka yawi ngadto sa matag pultahan. Husto kana. Ug wala na'y uban pang yawi, bisan kung unsa pa kini ka pareho kon tanawon, walay eskeletong yawi ang Dios; may usa lang gayud ka yawi. Ug karon, kinahanglan nga magkaaduna ka niana nga yawi, o dili maabli ang pultahan. Bisan kon unsa ka pa ka matinuuron, dili mo sa gihapon maablihan kana nga pultahan.

⁵¹ Karon, pila man ang atua sa maong pagpamahaw kagahapon, sa miaging buntag? Bueno, halos tanan siguro, labing gamay sa nobenta porsento kaninyo, o labaw pa. Sa paghatag og basihanan niini, sa kung unsay akong igasulti, dinihogan nga hari niadto si David (dinihogan sa Dios), ang pinakabantugan nga hari nga nagkaaduna gayud ang Israel, gawas kang Ginoong Jesus (nga mao'y Dios) nga mao ang Usa nga Dinihogan. Si David ang iyang anak . . . o si Jesus mao'y anak ni David sumala sa maong kaliwatan, sa unod. Ug Siya ang mao'y magalingkod diha sa trono ni David ingon nga usa nga . . . magapanunod, sama sa—sa prinsipe nga mao kanunay ang makapanunod sa—sa trono sa hari.

⁵² Himatikdi, karon, nga si David ingon nga dinihogan, nga bisan sa maong pagkadihog kaniya, nahigawas siya sa kabubut-on sa Ginoo uban nianang pagkadihog; ug ang tanan na nga tawo, dili nga sa walay pagpakabana sa dagan sa Kasulatan o sa yawi ngadto niining pinadayag, silang tanan nga dinihogan usab, silang tanan, nga magkauban, nagasinggit ug nagadayeg sa Dios alang sa usa ka butang nga husto gayud kon tan-awon: nga madala ang Pulong sa Dios balik ngadto sa balay sa Dios. Apan hari niadto si David, dili propeta. Kita n'yo? Siya... Aduna'y usa ka propeta niadtong kayutaan sa pagbuhat niini, ug wala giila sa Dios ang maong tibuok kalihokan tungod kay wala gayud nila gigamit ang hustong yawi. Wala miabli ang pultahan. Ug kinahanglan nga hinumduman nato kana karon, ug ibutang kana sa hunahuna. Aduna'y... Ang tanan sa Dios, aduna'y usa ka pihong pamaagi sa pagbuhat niini, ug mao na gayud kana. Karon, didto, aduna ang Dios og usa ka pihong Iglesia kon diin Niya ginatagbo ang mga tawo, ug Iya kang dawaton diha nianang Iglesia ug wala na'y uban pa nga iglesia.

⁵³ Nasulti ko kini tungod kay sa makadaghan nang mga higayon wala ako hisabti, ug miingon kanako ang mga tawo...

Moingon ko, "Cristohanon ka ba?"

"Baptist ako."

"Cristohanon ka ba?"

"Usa ako ka Methodist."

"Cristohanon ka ba?"

"Usa ako ka Pentecostal."

⁵⁴ Karon, kita n'yo, wala kana nagkahulogan og usa ka butang ngadto sa Dios. Nanginbasin ka lang sa sayup nga yawi. Apan aduna'y usa ka husto nga yawi, aduna'y usa kon diin ang Dios... Wala gayud nagsaad ang Dios nga tagbuon ka Niya diha sa Methodist, o sa Baptist, o sa mga Pentecostal, o sa unsa pa man nga denominasyon. Wala Niya gani ginaila ang mga denominasyon, batok sila Kaniya.

⁵⁵ Sa nianang pagkataas nga Mensahe, haduol ko na Kining pagahisgotan didto sa tabernakulo. Ug dayon madunggan Kini ni Igsoong Jack, ug dayon makita ninyo kung unsay buhaton ninyo bahin Niini, tungod kay iga-teyp Kini.

⁵⁶ Karon, nagapanglihok ang mga tawo nga daw sa ang Dios obligado gayud nga tagbuon sila diha sa basihanan sa ilang teolohiya. Karon, ang mga tawo nagapanglihok nga ingon niana. Dili gani sila makipagkauban sa usa'g usa. Ang Trinity o ang Pentecostal dili makipagkauban sa Oneness, ni makipagkauban ang Oneness sa Trinity. Ayaw sa Methodist ang Baptist, tungod kay usa ka legalista ang usa ug Calvinista ang usa pa, busa wala man lang sila og pagpakigkauban. Ug grabe ang pagpatuyok nila sa hunahuna sa mga tawo nga bisan sila batok na sa usa'g usa.

57 Miadto ako aron sa pag-ampo, dili pa dugay, didto sa usa ka lawak sa ospital. Aduna'y naghigda didto nga usa ka babaye nga masakiton kaayo, nga igapailalum sa usa ka operasyon, gihulat na lang nila siya nga mamatay. Aduna'y usa pa ka babaye nga naghigda didto (gitawgan ako aron mag-ampo alang kaniya.), Ingon ko sa babaye, "Okay lang kaha sa imo kung moampo lang ako sa kadali?"

58 Ug miingon siya, "Biraha kanang kurtina!"

59 Ug ingon ko, "Pasayloa ko." Ingon ko, "Magaampo lang ako."

60 Miingon siya, "Biraha kanang kurtina!"

61 Ingon ko, "Oo, mam." Siya ug ang iyang anak nga lalaki nga nanglingkod didto, usa ka kasagaran nang *Ricky* nga itsura. Ug ingon ko, "Bueno, dili ba kamo Cristohanon?"

62 Miingon siya, "Methodist kami!"

63 Ingon ko, "Bueno, wala man ko nangutana nimo og ingon niana, nangutana man ko nimo kung usa ba kamo ka 'Cristohanon.'" Kita n'yo?

64 Ug busa miingon siya, "Biraha kanang kurtina!"

65 Kita n'yo, tungod sa aduna'y usa nga dili Methodist ang nagtanyag og pag-ampo alang sa usa ka himalasyon na nga babaye, nga siya niadto mao usab. Apan tungod kay dili kadto kauban sa mismo niyang organisasyon, ayaw niya bisan sa pagdungog niini o magkaaduna man og kahilambigitan niini. Kung dili pa kana usa ka Fariseo, wala pa gyud ko'y nakita'g usa!

66 Hulata hangtud nga madungog ninyo *Ang Inagian Sa Maong Serpente*. Huh. Bueno. Karon, ginahunahuna sa karon nga ang ilang denominasyon ang maong usa lamang nga ginaila sa Dios: "Dili ka dunggon sa Dios gawas kung usa ka ka Methodist, o usa ka Baptist, o usa—usa ka Trinity, o usa ka ka Oneness," o unsa man nga sama niana. Sayup kana!

67 Ug mao kana ang akong katuyoan; apan kung aduna'y ingon niana nga—nga usa ka tinguha sa hunahuna sa mga tawo ug kasingkasing nga mamahimong husto...wala ako nagatoo nga nahimo kadto sa maong babaye tungod kay...o ni kinsa pa man. Ang usa ka Methodist dili motindog ug molaban alang sa iglesiang Methodist tungod nga siya—nasayod siya nga sayup kini. Ang hunahuna sa maong tawo nga husto kini. Wala ako nagatoo nga kondenahon sa usa ka taga-Trinity ang usa ka Oneness, o usa ka Oneness ang usa ka taga-Trinity ug Pentecostal, tungod kay gusto niyang mamahimong lahi, ginahunahuna niya nga husto siya. Ug kinahanglan nga tahuron mo ang iyang panghunahuna. Kabalo mo, nagakainat ang habol sa magkapikas nga direksyon. Apan, hinumdumi, sa tanan niana, kung aduna ma'y butang sa kasingkasing sa usa ka

lalaki o usa ka babaye nga nagtoo sila nga kini’y “husto,” kung ingon ana mamahimong aduna gayud kon asa man nga mao’y husto. Sa kanunay ko nang giingon, “Sa dihang ang kahiladman nagatawag ngadto sa kahiladman, aduna gyu’y kahiladman nga motubag nianang pagtawag.”

68 Kabalo mo, naestoryahan kita nga—nga ang liyon sa dagat sa una nagalakaw diha sa baybayon sa—sa dagat, nga may mga tiil. Apan karon wala na siya’y mga tiil, nangahimo kini nga mga kapay tungod mahimo niyang . . . gikinahanglan niya ang maong mga kapay sa dihang mobalhin siya gikan sa yuta, ingon nga usa ka mabalhibong mananap ngadto sa dagat; gipormahan siya sa kinaiyahan og mga kapay imbis og mga tiil, tungod kay mas halayo ang malangoyan niya kay sa ang mahimo niya sa paglakaw.

69 Dili ko mahinumduman ang bahin karon niining bantugan nga tawo nga miadto sa south pole. Unsa kadto iyang ngalan? Byrd. Nagaingon sila nagpahimo siya og mga kupo alang sa pipila ka mga baka, sa niining panaw; nga gipangdala niya ang maong mga baka alang sa gatas. Ug nagpahimo siya og mga kupo nga gama sa balhibo aron dili mamatay kadtong mga baka sa katugnaw. Apan sa dihang didto na sila, wala na ang mga niini nagkinahanglan og unsa mang balhibong kupo, gipatuboa na sila sa kinaiyahan. Kita n’yo? Ngano man? Sa wala pa og usa man ka silik diha sa likod sa usa ka isda, kinahanglan nga aduna’y tubig nga iyang malangoyan o wala gayud unta siya’y silik. Aduna’y . . . Sa wala pa’y usa ka kahoy nga motubo *diha* sa yuta, kinahanglan nga aduna una og yuta nga pagatuboa niini, o wala gyu’y kahoy.

70 Busa, nakita n’yo, samtang nga aduna’y butang diha sa kasingkasing sa tawo nga nagapanawag alang sa usa ka butang, kinahanglan nga aduna gyu’y butang dinha aron motubag, nga tagbawon kana nga pagpanawag.

71 May usa ka babaye . . . Gipahigayon niadto ang usa ka pag-autopsiya dili pa dugay dinhi sa usa ka babaye nga namatay. Ug ang hinungdan, ilang—ginaingon nila, ang nagpatay kaniya, nagsige-sige siya kaon niadto og mga sibuyas, sa tanan nang higayon. Kung dili siya mokaon og sibuyas, mangatol ang iyang ulo, ug tanan na; dili nila kini masaysay. Busa sa pagpahigayon nila sa autopsiya, nakakita sila sa sulod sa maong babaye og tumor sa kung unsang matang sa selula; aduna sila og usa—usa ka ngalan niini. Ug nahimo nila nga makuha kadto nga tumor ug gibutang kadto sulod sa usa ka palanggana sa mga sibuyas, ug gitunaw niini ang mga sibuyas pagkahuman sa usa ka gabii. Kita n’yo? Unsa man kadto? Usa kadto ka butang sulod sa maong babaye nga nagapangandoy og sibuyas, ug kung walay sibuyas wala unta’y tumor.

⁷² Sa laing pinulongan, kinahanglan nga aduna una og usa ka Magbubuhay, sa dili pa magkaaduna og usa ka kabuhatan. Kita n'yo?

⁷³ Karon, kung sulod sa kasingkasing sa tawo aduna og usa ka pagpangandoy, sama niining Methodist, Baptist, Presbyterian, Katoliko, tanan na niining uban pa, nga nagapaninguha makaplagan kanang usa ka matuod nga dalan, ug giingnan sila sa ilang mga pari ug mga pastor, ug uban pa, nga “Kini ang matuod nga dalan.” Moingon sila, nagaingon ang pari, “Walay kaluwasan gawas sa iglesiang Katoliko.”

⁷⁴ Bueno, ang matag iglesia mohimo sa iyahang...sa kaugalingon nilang ideya. Dili moako niini ang uban kanila, apan ginapamatud-an nila kini pinaagi sa ilang panglihok. Mas kusog ang sulti sa imong panglihok kay sa imong pulong. Usa lang kini ka...Kondili man, mas hipokrito pa sila kay sa Katoliko. Diretsahan nga ginapahayag kini sa Katoliko, “Nagatoo ako nga kini lang ang bugtong butang,” apan dili nila buhaton kana. Tagoon nila kini, apan ang ilang panglihok nagapamatuod kung unsay ilang ginahunahuna. Kita n'yo?

⁷⁵ Karon, kinahanglan aduna gayud kung ingon-ana og usa ka dapit, tungod kay aduna'y usa ka pangandoy sa kasingkasing sa tawo aron makaplagan Kini. Ug nagtoo ko nga aduna'y tubag ang Pulong sa Dios alang sa tanang panginahanglan nato. Busa aduna'y tubag ang Dios, ug mangsusi kita karon sa mga Kasulatan alang niini. Ug dayon kung ipakita kanato sa Dios ang maong bugtong dapit pinaagi sa mga Kasulatan, ang bugtong basihan, (ang bugtong denominasyon, kung mao man gayud), ang bugtong dalan kon diin tagbuon sa Dios ang tawo, nan kinahanglan nga mangapyut kita niana tungod kay nakaplagan na nato ang Kamatuoran sa Biblia, kung unsay ginaingon Niini.

⁷⁶ Karon, ang pulong *Deuteronomio*, ang maong pulong mismo nagkahulogan og “duha ka balaod,” ang pulong nga *Deuteronomio*. Ug aduna'y duha ka balaod ang Dios. Ang duha ka balaod: ang usa niini mao nga ang paglapas sa Pulong, ug mamatay; ug ang usa pa mao nga ang pagtuman sa Pulong, ug mabuhi. Mao kana ang duha ka balaod, ug ang *Deuteronomio* nagkahulogan niadtong duha ka balaod. Pareho ang mga niini napasundayag na diha sa Kasulatan. Ang usa niini mao ang kamatayan, ang usa pa mao ang Kinabuhi; Kinabuhi ug kamatayan. Nagapakigtigayon lang ang Dios sa Kinabuhi, si Satanas lang ang sa kamatayan. Ug walay lipod-lipod nga napasundayag kini ngadto sa kalibutan, nga dayag sa atubangan sa matag mata, ug wala na kita'y mahimong ikapasumangil pa. Ang usa sa niini, napasundayag na didto sa Bukid sa Sinai sa dihang gikahatag ang balaod, nga mao'y mihukom sa tibuok kaliwatan sa tawo ngadto sa kamatayan; gikahatag ang usa pa didto sa Bukid sa Kalbaryo, nga mao'y naghatud sa tibuok kaliwat sa tawo ngadto sa Kinabuhi, sa dihang gibayaran na

ang silot diha kang Jesus Cristo. Nangatuman ang maong duha ka balaod sa Deuteronomio diha niining duha, ka dagkung mga butang.

⁷⁷ Gusto kong mahimatikdan ninyo pag-usab, nga aduna usab duha ka mga pakigsaad ang gikahatag. Gihatag ang usa ka pakigsaad ngadto kang Adan, nga aduna’y mga kondisyon, sama sa balaod nga: “*Kung* dili ka mohikap niini, nan mabuhi ka; apan *kung* mohikap ka niini, mamatay ka.” Usa kadto ka balaod. Dayon aduna’y usa pa ka balaod nga mao’y gihatag kang Abraham, nga pinaagi og grasya, nga walay kondisyon: “Giluwas Ko na ikaw ug ang imong binhi sunod kanimo.” Amen! Usa kana ka tipo sa Kalbaryo, dili ang tipo sa—sa—sa kang Adan nga pakigsaad, usa kini ka pakigsaad kang Abraham.

⁷⁸ Apan madungog nato Siya karon nga nagaingon nga aduna’y usa lang ka dapit kon diin Iyang tagbuon ang tawo sa pagsimba. Atong mabasa kini mismo dinhi sa teksto. Mopahinungod kita niini, balik, sulod sa pipila ka minuto.

⁷⁹ Kung ingon-ana nga aduna’y usa lang ka dapit nga ginatagbo sa Dios ang tawo, kinahanglan nga magmaampingon pa gayud kita. Ipangpadaplin nato karon ang atong mga tradisyon niining buntaga, ug . . . sa niining pang-Sunday school nga leksyon, ug siguradohon gayud nga makaplagan nato kana nga usa ka dapit. Tungod kay, nag-ingon ang Dios dinhi, nga dili Siya modawat kanimo diha sa bisan unsang uban pang dapit. Sa bisan unsa man nga ubang iglesia, dili ka Niya dawaton. Diha lang sa Iyang Iglesia, ang bugtong dapit nga Iya kang pagadawaton.

⁸⁰ Karon, “Unsa ma’y maingon mo, Igsoong Branham? Kung matinuuron ako?” Wala.

⁸¹ Hinumdumi, nakig-estorya niadto si Jesus ngadto sa pipila ka mga matinuuron nga mga tawo, ang mga magsisimba sa Iyang adlaw, ug miingon Siya, “Kawang lamang ang inyong pagsimba Kanako.” Matuod, tinuod nga pagsimba nga gikan sa kinahiladman sa ilang mga kasingkasing. “Kawang lamang ang inyong pagsimba Kanako, sanglit sa inyong pagpanudlo inyo mang gipaka-doktrina ang kalagdaan nga hinimo lama’g mga tawo,” o sa ilang pangdenominasyon nga kredo. Matinuuron, matinahuron, pagkarelihiyoso gayud. Ug dili kana bag-o nga sa Fariseo lang. Si Cain ug si Abel, ang nahaunang duha ka natawong mga magsisimba, sa natural nga pagkahimugso dinhi, sa yuta, tuman nga miabot sa pagka-mao rang linihokan.

⁸² Ingon gayud ka relihiyoso si Cain niadto sama kang Abel. Pareho silang nangtukod og mga halaran. Pareho silang nahigugma sa Dios. Pareho silang nanghalad. Pareho silang nanagsimba. Pareho silang naghatag og ikapulo. Managsama nilang nahimo pareho ang tanang butang. Apan si Abel, pinaagi og *pagtoo* nga mao “ang pinadayag,” ang Pulong sa Dios nga

napadayag, nga napatin-aw, nga napakita, ug napamatud-an. Himaya! Naghalad si Cain, apan wala kadto gipanghimatud-an sa Dios. Gisugo sa Dios ang pagsimba, ug naghalad si Cain, apan wala kadto gipanghimatud-an sa Dios. Apan pinaagi sa matuod nga agianan. . .

⁸³ Moingon ka, “Bueno, mao Kini ang akong iglesia. Ang akong. . .”

⁸⁴ Sa makadiyut lang. Ginahubad sa Dios ang kaugalingon Niyang Pulong subay sa mga kondisyon nga Iyang gikasulti Kini. Kita n’yo, miingon si Cain, “Relihiyoso ako. Usa ako nga nagahigugma sa akong Magbubuhay. Ginahalad ko kini nga maayong halaran ngadto Kanimo. Ginahalad ko kini nga halad ngadto Kanimo. Gipangtukod ko kining mga butanga, Ginoo, tungod kay nahigugma ako Kanimo.” Mao usab ang giingon ni Abel. Karon kini ang usa nga gipanghimatud-an, ang usa nga gipamatud-an. Ug mikanaug ang Dios ug gidawat ang halad ni Abel, tungod kay pinaagi sa pinadayag naigo niya ang matuod nga gikahimut-an nga agianan sa Dios.

⁸⁵ Karon bantayi kana nga espiritu ni Cain nga pabiling nagapadayon diha sa Kasulatan, hangtud mismo niining kaulahiing adlaw. Pundamental? Ingon gayud ka pundamental sama niadtong sa usa pa.

⁸⁶ Tan-awa ang propeta nga si Balaam ug ang propeta nga si Moises. Pareho silang aduna og pito ka mga halaran, nga mga halaran ni Jehovah, may dugo ang matag usa niini; ug dili lang kana, apan may karnerong laki sa matag usa. Kung sa numerolohiya, eksaktong husto nga numero, *pito*, “hingpit,” pito ka laking karnero. Eksaktong pareho gayud, ang parehong halaran. Ingon ka pundamental kung unsa ang usa, mao man usab ang usa pa. Apan kinsa man ang gipanghimatud-an sa Dios? Kita n’yo? Kita n’yo? Ang maong usa nga atua sa Iyang Pulong. Dili ingon ka mahinungdanon kaayo ang pagka-pundamental; ang pinadayag gayud sa Dios kini.

⁸⁷ Karon hunahunaa! Kining mga tawhana, nganong gitawag sila ug nahibutang sa niining kahimtang (kining mga Fariseo) ni Jesus, nga miingon, “Kawang ang inyong pagsimba Kanako”? Ginasimba Siya: tinuod nga pagsimba, matuod nga pagsimba nga nagagikan sa ilang mga kasingkasing. “Kamo. . . Kawang ang inyong pagsimba Kanako.” Ngano man? “Sa inyong pagpanudlo inyo mang gipaka-doktrina ang kalagdaan nga hinimo lama’g mga tawo, busa ginahimo ninyo ang mga kasugoan sa Dios og walay kapuslanan ngadto sa mga tawo.”

⁸⁸ Kung nagtudlo ako kaninyo og mensahe sa Methodist, mamahimong walay kapuslanan kini kaninyo, kini na ang kapanahonan sa Pangasaw-onon. Kung si Moises nagtudlo og mensahe ni Noe, mamahimong wala kadto kapuslanan. Kung si Jesus nagtudlo og mensahe ni Moises, mamahimong wala

kadto kapuslanan. Tungod kay napahimutang didto ang pinili nang daan nga binhi nga mabisbisan lamang pinaagi niadtong tipo sa tubig nga gikatagana na alang nianang binhia. Kita n'yo? Dili kini motubo sa unsa man nga uban pang kahimtang. Kinahanglan gayud sa kahimtang nga nagapatubo niini.

⁸⁹ Karon, mahimo mong kuhaon ang usa ka itlog ug isulod kini sa usa ka incubator, nga kinahanglan mapalumluman sa usa ka himungaan, apan mapiso gayud kini sa gihapon. Palumlumi kini sa usa ka itoy mapiso kini. Tungod gayud sa kainit, ang kahimtang nga mao'y nagapapiso niini. Busa kinahanglan mapailalum kini sa maong kahimtang. Mahimo kang mokuha og usa ka maayo og buhi nga itlog ug ipailalum kini sa usa ka patay na nga himungaan, dili kini mapiso. Kita n'yo? Kita n'yo, tungod sa maong kahimtang.

⁹⁰ Bueno, ingon niana kini sa niining kapanahonan nga atong gikapuy-an, kinahanglan nga mahibaloan mo kung unsa ang pamaagi sa Dios sa pagbuhat niini alang sa niining kapanahonan. Mao kana kung unsay nakaplagaan ni Martin Luther, mao kana kung unsay nakaplagaan ni John Wesley, mao kana kung unsay nakaplagaan sa mga Pentecostal sa ilang kapanahonan. Ang panahon sa Dios ug takna sa pagbuhat niini.

⁹¹ Karon, ang mga Pentecostal. Kana nga igsoong lalaki, usa... nagtoo ako nga ang iyang... buta ang usa sa iyang mga mata, usa ka itum nga igsoon nga mao gayud ang nagsugod sa Pentecostal nga mensahe sa California, sa daan nga Kalye sa Azusa. Gikataw-an siya, tungod kay usa siya ka negro. Gibiyabiayan siya, apan naghatud siya og usa ka mensahe alang sa niadtong panahon. Gamayon lang nga lawas, usa ka tawo nga halos dili maisulat ang kaugalingon niyang ngalan, apan gipadayag kaniya sa Ginoo nga mao kadto ang kapanahonan sa pagpasig-uli sa mga gasa, ug nangabot kadto. Bisan *unsa* pa ang gipang-ingon, miabot kadto. Apan napailalum ang tanan sa maong kahimtang niini, ug nakita nga mao na ang kadtong kapanahonan, ug nakita nga ang Dios nagapanghimatuod nga kadtong mga tawo makasulti og laing mga dila, ug uban pa, nahitabo kadto. Apan dayon sa diha nga mipadayon siya ug gipangusgan nga "mao kini ang bugtong ebidensya," mao kadto ang nagpatay niini. Kita n'yo? Nagapadayon, kita n'yo. Mao kadto ang nag-impas niini. Gisugdan na nila dayon ang pagpanglain *niini*, *niana*, ug sa pagpanghimo na og mga denominasyon; ug alang sa usa moabot kini diha sa usa ka panganod, ug ang sa usa usab moabot diha sa usa ka sapinit. Ug oh, sus, mao na kadto.

⁹² Mao kana kung unsay ginabuhat sa mga denominasyon. Kita n'yo? Dili ang Dios ang tigpasiugda sa denominasyon, tungod kay ang denominasyon mao ang Babilonia, ug dili Siya ang tigpasiugda sa kagubot. Makita nato ang tanan niyang... Dili mo na gani kinahanglan pa nga mamahimong intelektuwal aron

nga makita kana. Kini ang Babilonia! Kita n'yo? Tradisyon (hunahunaa kini), matinuurong mga tawo. Karon, sa gihapon, tungod kay ginatooohan nila kana, gikinahanglan sa gihapon ang usa ka matuod nga dapit kon diin ang Dios nagapakigtambo.

⁹³ Karon himatikdi ang bersekulo 2. “Magsimba sa dapit nga Akong gipili.” Ang halad, siyempre, kon diin nga misimba sila ibabaw sa maong halad. “Sa dapit nga Akong gipili; dili kung unsa nga inyong gipili, kung unsay gipili sa tawo. Apan mao’y kung unsa ang Akong gipili, magsimba kamo niining dapita.” Nagapakita kung ingon-ana nga aduna’y usa lang ka dapit, walay kapuslanan ang uban pa. Dili mamahimo kini nga sa *imong* pagpili, kondili kinahanglan gayud nga sa Iyang pagpili.

⁹⁴ “Bueno, dili ko kinahanglan nga moadto pa sa simbahan.” O, “Pagkamabaw ba gayud sa imong panghunahuna! Aba, makipaglantugi ka pa gani sa mga babaye bahin sa pagwali, ug . . . o sa mga babaye bahin sa pagpaputol sa ilang buhok, ug sa mga lalaki bahin sa niining uban pang mga butang. Aba, pagkamabaw ba gayud sa imong panghunahuna!”

⁹⁵ Sige, dili man ninyo kinahanglan dawaton ang Pulong sa Dios mahitungod niini, padayon kamo didto kon diin, ilang ginapanghimo kana. Kita n'yo? Ug mahikaplagan mo nga anaa kini sa Kasulatan, busa, “Kawang ang ilang pagsimba Kanako.” Naghisgot si Jesus sa mao gihapong butang. Kita n'yo?

⁹⁶ Nga sa matag kudlit, sa tanan na, kinahanglan nga magmatinud-anon ka. Kini kanunay ang gagmay—ang gamay’ng punoan, ang gamay—ang gamay’ng lobo ang mao’y nagaguba sa punoan. Usahay mabiyaan mo . . . Dili niini ang dagkung mga butang nga ginabuhat mo, kondili kadtong gagmay’ng mga butang mao ang nagakapasagdan mong dili buhaton. Hinumdumi, ang kadena pinakamalig-on lamang sa pinakahuyang nga panugtong niini. “Bulahan sila nga nagabuhat sa *tanan* nga mga kasugoan sa Dios, aron makabaton sila sa katungod sa pagsulod.” Buhaton ang *tanan* nga giingon sa Dios, ug giingon Niini nga magpataas og buhok ang mga babaye.

⁹⁷ Moingon ka . . . Usa ka tawo ang miingon kanako dili pa dugay, miingon, “Wala ako nagawali og relihiyon nga basi sa pagpamisti.”

⁹⁸ Ingon ko, “Kung ingon-ana wala mo ginawali ang Maayong Balita.” Oo.

⁹⁹ Gihan-ay na kini dinha sa Dios, giingon na Niya kung unsay buhaton. Ug buhaton mo kini o . . . Mao kana ang imong natural, makatarunganong butang. Pagkagamay’ng butang . . . unsa ka . . . ang gamay’ng halos dili na mahinungdanon. Miingon si Jesus, “Bulahan sila nga mosunod sa tanan nga gamay’ng butang, buhaton ang gagmay’ng mga butang.” Ug ang usa ka babaye nga mopataas sa iyang buhok, usa gyud kana ka . . . aba,

butang kana nga mahimo *niya* gayud buhaton, ug bisan pa dili niya kana buhaton. Dili niya gani buhaton kana.

100 “Oh, itudlo kanamo ang dagkung mga butang.”

101 Unsaon mo man pagtudlo sa dagkung mga butang, sa dihang dili man kamo gani mobuhat sa ordinaryo, yanong butang? Tungod kay, nakita n’yo, ang inyong tumong ug katuyoan sayup.

102 Kini mao ang gugma mo sa Dios, “Ginoo, dili ko igsapayan kung unsa man ang gusto mong ipabuhat kanako, kinabubut-on kong buhaton kini.” Kung ingon-ana may paingnan ka, apan kung dili mo buhaton kini sa ingon nianang paagi, sa paagi nga giingon Niyang buhaton kini . . .

103 Pagpili Niya kini, “Sa dapit nga gipili Ko.” Dinha kon diin ka mosimba uban sa imong halad.

104 Ginabutang mo . . .Gidala ni Cain ang iyang halad, gidala ni Abel ang sa iyaha, nagaagad kini kung unsa nga dapit ang gidalhan mo niini. Kung gidala mo kini ngadto sa dapit nga Iyang gipili, mamaayo kini, Iyang pagadawaton kini; kung dili, dili Niya kini dawaton. Dili mahinungdanon nga . . .pare-pareho kini nga halad, bisan unsa man kini, sa gihapon kini di- . . .gisalikway, gawas kung gihatud kini ngadto nianang maong usa ka dapit.

105 Karon gusto natong hibaloong kung asa nato gustong dalhon kini nga halad. Mahimo natong mahibaloan . . .Gusto natong tanan nga moadto sa Langit. Dili ba? Ug nasayod kitang tanan nga nakahimo kita og sayup. Nagatoo kitang tanan nga si Jesus mao ang Halad. Karon gusto natong hibaloong kung asa nato Siya dalhon, nga mamahimo kini—mamahimo kining madawat. Kita n’yo? Husto kana. Nagaingon kanato ang Biblia kung asa kini dalhon, kita n’yo, ug nga mamahimong dawaton kini; sa gawas dinha, dili kini pagadawaton.

106 Atong himatikdan dinhi usab ang dapit nga Iyang gipili aron pahimutangan sa halad, ang dapit nga gipili Niya nga butangan sa maong halad. Dili mo kini mabutang diha sa bisan unsa man niini nga mga ganghaan; apan sa dapit nga Iyang gipili nga butangan niini, Iya usab gibutang ang Iyang Ngalan diha nianang dapita. Mao kana kung unsay Iyang giingon dinhi. Gipili Niya nga butangan kini sa Iyang Ngalan. Karon susihon nato ang mga Kasulatan alang niining dapita, kay kana mao ang dapit kon diin Niya gibutang ang Iyang Ngalan.

107 Karon mobasa kita gikan sa maong teksto. Ug aduna ako’y gamay’ng sinulat nga napahimutang dinhi nga akong . . .niining buntaga, nga miabot kanako. Kuhaon nato ang ika-2 nga bersekulo niining kapitulo. Karon, dili ko gustong magdugay og maayo, tungod sa mga tawo, sa niining mga nakakonekta dinhi. Karon sa ika-2 nga bersekulo sa niining ika-16 nga kapitulo:

Mag-halad ka sa pasko ngadto sa GINOO nga imong Dios, gikan sa imong mga panon sa karnero ug sa imong mga baka, sa dapit nga pagapilion sa GINOO nga papuy-an sa iyang ngalan.

¹⁰⁸ Karon, dili mo mahimong dalhon kini...ang imong pagkamatinuuron ug tanan na nga gusto mong isugid, dili mo gayud kini madala ngadto sa altar sa Methodist, ngadto sa altar sa Baptist, ngadto sa altar sa Pentecostal, apan aduna'y usa ka altar kon asa man nga gipili Niya nga Iyang...nga papuy-an kini sa Iyang Ngalan, ug iya Kang tagbuon diha nianang lugara. Karon, kung nahimo mong napadagan ang tanan sa husto gayud, mapaandar mo kini; nga nahan-ay ang tanan. Kung aduna'y usa ka daut nga koneksyon sa kabli, dili mosiga kana nga suga; tungod kay nagka-grounded kini. Ug sa diha nga gamiton mo ang usa sa mga Pulong sa Dios o usa sa iyang mga dapit, ug sulod sa imo mismong kasingkasing aduna'y mga mahakogon nga katuyoan, iga-ground niini ang gahum sa Dios diha mismo. Kung ginabuhat mo kini tungod kay gusto mong mamahimong maantigo, nga gusto mong mamahimong lahi kay sa uban pa, o unsa man, dinha mismo na-grounded kini, pabuthon niini ang fuse. Nasayup ka. Kinahanglan nga moduol ka nga may pagkamatinuuron, sa tibuok mong kasingkasing. Ang imong mga tumong ug imong mga katuyoan, ipahimutang mismo dinha sa Dios. Dayon magsusi alang sa *Iyang* dapit, pangitaa kon asa Niya giingon, ug dalha kini didto. Kita n'yo?

¹⁰⁹ Tan-awa si Martha ug si Maria. Sa dihang mibalik si Jesus, human nga gikatudloan Niya sila niining Maayong Balita (ang Kahayag sa Iyang adlaw, Siya ingon nga mao ang Mesias), gikadumtan Siya, gisalikway. Oh, gitamay Siya sa mga Fariseo ug mga kaiglesiahan. Apan namatay si Lazaro, ang igsoon nga usa ka suud nga higala Kaniya. Gipasagdan Niyang nahigda kini didto; ug nagpasugo sila alang Kaniya, wala gani siya miadto.

¹¹⁰ Apan bantayi si Martha, ang iyang pamatasan. Miingon siya, "Ginoo, kung ania Ka lang unta dinhi." Gihatag Kaniya ang Iyang hustong titulo: Ginoo, dakong letra nga G-i-n-o-o, *Yahweh*, Jehovah. Himaya! "Kung ania Ka lang unta dinhi, wala unta namatay ang akong igsoon." Dili mahimong magkauban ang Kinabuhi ug kamatayon sa usa ra ka agianan, o usa ra ka balay. "Kung Ikaw unta... Wala unta siya namatay."

¹¹¹ Miingon si Jesus kaniya, "Ako mao ang pagkabanhaw ug ang Kinabuhi," ingon sa Dios. Kita n'yo? Sa dihang giingon Niya, una, "Ang imong igsoon mabuhi pag-usab."

¹¹² Miingon siya, "Oo, Ginoo, sa pagkatinuod ginatoohan ko kana. Ingon nga usa ka babayeng Judio, nagatoo ako nga magkaaduna og usa ka pagkabanhaw sa ngatanan sa mga patay na; ug nagatoo ako nga ang akong igsoon ingon gayud ka

matinud-anon ug matinuuron sa pagsimba. Ug nagatoo ako nga Ikaw nianang Mesias, nga gikaingon na sa Biblia, tungod kay ang Dios nga nagapanghimatuod sa Iyang Pulong diha Kanimo nagapakita nga Ikaw ang mensahero niining taknaa. Ikaw nianang Mesias. Nagatoo ako nga Ikaw kanang umalabot nga Cristo, tungod kay ang Imong mga buhat nagapamatuod nga gipadala Ka sa Dios dinhi aron nga mamahimong kanang Mesias.” Oh, sus! Himatikdi ang pagkatakdo sa puwesto sa maong nga pangdugtong karon. Kita n’yo?

113 Karon, aduna siya’y katungod sa pag-ingon, “Nganong wala man Ka mianhi aron banhawon ang akong igsoon? Ngano man nga wala Mo siya giayo? Gipang-ayo Mo man ang uban. Ang pinakasuud mong higala, ug karon tan-awa kung unsay nahitabo.” Dili, dili, walay paingnan kana nga matang sa katuyoan.

114 “Nagatoo ako nga eksaktong Ikaw gayud kung unsa ang pagpaila sa Kasulatan Kanimo nga mamaingon. Nagatoo ako nga mao na kini ang adlaw nga kinahanglan moabot ang Mesias; dugay na kaming nagapaabot niini. Dili mahinungdanon kanako kung unsa may ginaingon sa uban pa kanila. Nagatoo ako sa tibukong kasingkasing, basi sa kung unsay akong nakita ug nadungog sa Pulong, nga ang Pulong gipanghimatud-an diha Kanimo, nga Ikaw ang kana nga Mesias.” Kita n’yo, sa kinasuloran niya, siya—aduna siya’y butang nga hangyoonon, apan gikinahanglan niyang moduol ngadto sa hustong agianan.

115 Unsa kaha kung midagan siya didto ug miingon, “Ug dayon moingon Ka nga Ikaw ang kana nga Mesias! Ug wala man lang og katahuran, igo nga pagka-maayong tawo bisan sa pagtubag man lang sa among hangyo; sa dihang gipakaon Ka namo ug gipaistar Ka namo, ug tanan na, ug nakigbisog para Kanimo, ug gipangbiyaan ang among mga kaiglesiahan, maingon nga gimandoan Mo kami nga manggawas sa niining mga denominasyon.” Kita n’yo? “Ug ania karon gibiyaan namo kini, ug gipakaingon na kami nga mga sinalikway ug mga tulisan. Ug tanan na nga among napangbuhat alang Kanimo, ug dayon wala man lang og yanong katahuran sa pagtubag sa akong tawag?” Karon, sa tinuuray, aduna siya niadto og nianang katungod.

116 Sama sa ginaingon mo bahin sa imong mubo nga buhok, “Usa ako ka Amerikanong lungsuranon. Mahimo akong mosul-ob og mga syort, mobuhat og unsa man nga gusto ko, nga dili supak sa balaod.” Mga katungod mo kana, apan kanunay’ng ginasurender sa karnero ang iyang katungod. Uh-huh. Kung usa ikaw ka karnero, wala gyud ka’y unsa man gawas sa balhibo, iya kanang gikasurender. Iya kanang mga katungod nga gikahatag sa Dios, apan iyang ginasurender kini.

117 “Aduna ko’y katungod sa pagpamiyembro sa unsa man nga denominasyon.” Husto gayud kana, apan imong ginasurender kana. Kita n’yo?

118 Iyang ginasurender ang tanan nga aduna siya’y katungod, aron nga maila ang napadayag nga Pulong sa Dios didto mismo sa iyang atubang.

119 Nag-ingon Siya, “Ako mao ang pagkabanhaw ug ang Kinabuhi. Ang nagatoo Kanako, bisan siya mamatay, mabuhi siya. Ang tanan nga buhi ug nagatoo Kanako dili na gayud mamatay. Motoo ba ikaw niini?” Kita n’yo, aduna’y usa pa ka gamay’ng put-ong nga wala niya nadangati. Kita n’yo?

120 “Oo, Ginoo! Nagatoo ako nga Ikaw mao ang Cristo, ang Anak sa buhing Dios!” O igsoon, ang tanan dayon andam nang maoligato dihadiha mismo. Kita n’yo?

121 “Asa man ninyo siya gipahimutang?” Kita n’yo? Ug nasayod na mo kung unsay nahitabo.

122 Kita n’yo, kinahanglan kang makasulod diha nianang hustong dapit sa dili pa Niya dawaton ang imong halad. Kita n’yo, kinahanglan makasulod diha niini. Bantayi.

. . . sa dapit nga pagapilion sa GINOO nga papuy-an sa iyang ngalan.

Dili ka maga-kaon og tinapay nga may levadura sulod niini; . . .

123 Unsa may ginatipo niana sa halad? Ayaw sagoli kini og unsa man nga kredo, kinahanglan nga Pulong gayud. “*Walay tinapay nga may levadura.*” Ang levadura mao’y . . . Kabalo na mo kung unsay mamahimo sa levadura sa kung unsa man. “Ang usa ka gamay’ng pudyot sa levadura mopatubo sa tibuok nga minasa,” ang tibuok minasa mao ang Lawas. Dili ka mahimong mobutang og usa ka pudyot sa denominasyon o kredo kang Cristo. Dili, sir, dili kini magpulos.

124 Nahinumduman n’yo ba ang mensahe sa miaging Huwebes sa gabii? Kinahanglan nga patay na ang daan n’yo nga bana. Husto. Ang bag-o n’yong bana mao ang Pulong.

. . . sa pito ka adlaw maga-kaon ka og tinapay nga walay levadura sulod niini, . . .

125 “*Sa pito ka adlaw,*” unsa may ginatipo niana? Ang kumpleto nga Pito ka Kapanahonan sa Iglesia, pito ka adlaw. Nganong gikinahanglan man nila mokaon niini sulod sa pito ka adlaw? Sa dili pa ang unsa? Sa dili pa ang pagpanggawas. Ug ang tibuok kapanahonan sa iglesia, gikan sa kinasugdanan hangtud sa katapusan, gikinahanglan nga mabuhi lamang sa Pulong sa Dios alang nianang maong kapanahonan. Busa ang inyong kredong Romano, Methodist, Baptist, ug Pentecostal nga kredo patay na tanan.

126 Karon bantayi.

. . .sulod niini, *bisan tinapay sa kaguol*; . . .

Gipanglutos tungod Niini; Luther, Wesley, mga Pentecostal; tanan gipanglutos, ug mao man usab kamo.

. . .kay sa madali migula ka gikan sa yuta sa Egipto: . . .nga magpabilin ka sa adlaw nga . . . mahinumdum ka sa adlaw nga migula ka gikan sa yuta sa Egipto sa tanan nga mga adlaw sa imong kinabuhi.

Ug walay lewadura nga hikit-an sa . . .uban kanimo sa tibuok mo nga utlanan sa pito ka adlaw; . . .

127 Diha sa pagkatahum nga Pangasaw-onon ni Cristo, human sa Iyang kamatayon sa Mangiub nga Kapanahonan tungod sa imperyo Romano, nga gikinahanglan Niyang mamatay, “Gawas kung ang usa ka lugas sa trigo mahulog sa yuta.” Gikinahanglan nga moabot gayud ang Pamanhonon, ang maong hingpit nga Obra Maestra sa Dios. Nadungog n’yo na ang akong mensahe bahin niana.

128 Ug mitindog ako didto, sa Los Angeles, sa Forest Lawn, usa niadto ka adlaw, ug miugpot ang akong kasingkasing. Pila na ang nakaadto sa Forest Lawn? Aduna’y usa ka . . . ang estatwa ni Moises nga gihimo ni—ni . . .-angelo, nagtoo ko si Michelangelo kadto. Ug usa kadto ka hingpit nga estatwa, tanan na gawas sa tuo nga tuhod; nga aduna’y usa ka tibhang nga mga tunga sa pulgada ka lawum. Ug ang tiggiya . . . Nagalantaw ako niadto, ug iya kadtong gitudlo kanako. Miingon siya, “Gipahinungod ni Michelangelo ang tibuok niyang kinabuhi sa pagpaninguha nga—nga makahimo’g . . . Usa siya ka eskultor, ug gipaninguhaan niya niadto sa pagkulit ang imahe ni Moises. Diha sa iyang hunahuna, nahunahunaan niya kung unsa gayud ang itsura ni Moises. Anaa kana sa iyang kasingkasing, kung unsa gayud ang itsura ni Moises. Ug dayon gipahinungod niya ang tibuok niyang kinabuhi; sa pagsilsil og gamay dinhi, ug kagison kini, moatras ug tan-awon kini. Sa tibuok matag-tuig, gibuhat niya kini. Sa katapusan nga nahuman na kini, ug miatras siya ug gibutang ang iyang trapo ug ang iyang pangdukduk, gitan-aw niya ang maong estatwa. Pagkahingpit gayud kadto nga imahe ni Moises nga anaa sa iyang kasingkasing, hangtud nga nadala siya sa iyang kaugalingon, nga iyang gipunit ang pangdukduk ug gidukduk kini, nga misinggit, ‘Sulti!’” Gitawag kadto nga *Obra Maestra ni Michelangelo*. Kadto nga halangdong butang nga atua niadtong maong eskultor, ang kadtong panan-awon nga atua kaniya kung unsa gayud ang itsura ni Moises, nagahulagway lamang diha sa pagtipo mahitungod sa gamhanang Amahang Dios.

129 Atua Kaniya sa Iyang kasingkasing, sa wala pa ang pagkatukod sa kalibutan, ang usa ka Anak, tungod kay Siya usa ka Amahan. Apan atua pa kadto sa mga binhi sa Iyang Pulong.

Ug gibuhat Niya ang tawo, ug gikinahanglan Niyang ibutang siya diha sa pagkaaduna'y gawasnong kinaugalingong pagbuot, apan nahulog kadto nga tawo. Apan ang dakung Eskultor, ang Dios, nga nagbuhat sa tawo gikan sa abog sa yuta, wala Siya mihunong dinha, misugod usab Siya sa pagbuhat og tawo. Ug nagbuhat Siya og usa ka Noe, nga namatay siya nga hubog. Nagbuhat Siya og usa ka Moises nga napakyas sa pagtuman sa Iyang Pulong. Nagbuhat Siya og mga propeta nga nikalagiw sa panahon na sa kagubot. Ug mipadayon Siya sa pagpanghimo ug paghulma hangtud nga wala midugay nangandoy Siya og usa—usa ka obra maestra, aron nga moreplektar Kaniya, sa Iyang kinaiyahan, kung unsay atua sa Iyang kasingkasing niadto kung unsa gayud ang usa ka anak.

¹³⁰ Usa niana ka adlaw, didto sa Jordan, human nga naporma ug nabuhat na ang kadto nga Obra Maestra, didto Siya nga mikanaug diha sa usa ka . . . sa mga pako sa usa ka Salampati, miingon, “Mao kini Siya!” Nadasig kaayo Siya sa Iyang Obra Maestra hangtud nga Iya Siyang gihampak didto sa Kalbaryo, nga mamatay Siya, alang kanatong tanan nga mga dili-hingpit; aron nga pinaagi sa pag-ula sa Iyang Dugo, makadala pa Siya og daghang mga obra maestra (nga usa ka Pangasaw-onon) ngadto sa Iyang Anak. Nasamdan ang maong Obra Maestra tungod sa pagkadinisig sa Dios nga makita ang ingon nga usa ka pagka-Obra Maestra, Iya Siyang gisamdan alang kanatong tanan. Kita n’yo? Namatay Siya didto, aron nga himoon kitang hingpit nga mga dili-hingpit. Ang Obra Maestra.

¹³¹ Himatikdi dinhi. Nag-ingon Siya:

*. . . sa pito ka adlaw maga-kaon ka niining tinapay
nga walay levadura . . .*

¹³² Karon, gitipo ang tinapay. Nag-ingon si Jesus, “Ang tawo mabuhi dili lamang sa tinapay, kondili pinaagi sa matag Pulong.” Dili lang—dili lang og usa ka Pulong dinhi ug didto sama sa gustong ipatoo Kini kaninyo sa mga denominasyon. Apan hingpit ang Pulong sa Dios! Dios Kini Mismo diha sa maong letra nga porma, nga gitawag og “Binhi.” Ug ang husto nga matang sa walay-sambog nga pagtoo sa niana nga Pulong Magapabuhi niana nga Binhi.

¹³³ Eksaktong mao kana kung unsa ang inyong makita matag gabii diha sa mga pagpang-ila na, ug tanan nang uban pa niining mga butanga, tungod kay usa kini ka saad nga gisaad sa Dios. Ug mitindog Siya sa tapad ko ug giingnan ako niana, ug giingnan ako bahin niining “mga nagpakaaron-ingnon nga manungha, apan pagpabilin lang nga malig-on.” Ginatoohan ko Kini. Ug walay mahakogon nga tumong, nga mapasakitan si kinsa man, kondili nga mamahimong matinahuron ngadto sa Dios ug nga buhaton ang buluhaton nga gitawag Niya ako sa pagbuhat, mao kana kon ngano nga nagasulti ako niining mga butanga. Ug balik

kini nga ginapamatud-an sa Dios, ug nga ginadawat ang maong paghalad ug ang maong halad, pinaagi sa pagpanghimatuod niini nga mao ang Kamatuoran. Wala na'y pagduhaduha Niini! Karon bantayi kana nga Pulong!

¹³⁴ Karon, mahimatikdan nato dinhi, “*Sa pito ka adlaw,*” nagapahinungod kana sa matag kapanahonan sa iglesia. Karon, maingon nga kinahanglan mamatay kana nga Obra Maestra, aron mabanhaw sa pagtubos kanatong tanan. Kung ingon-ana aduna Siya’y usa ka iglesia nga gibutang sa kahan-ayan didto sa Pentecostes, apan kinahanglan nga moagi kana nga Iglesia sa usa ka pagsakripisyo; ug gipatay kadto sa Romanhong kalibutan, gilubong kini sa yuta.

¹³⁵ Sama sa nagsulat niining libroha, dili ko na mahunahuna kini sa karon, gikataw-an ako og maayo, ug miingon, “Sa tanan nang mga yawa, si William Branham kini.” Kita n’yo, mao kana kung unsay ginapaninguhaan ingnon sa Yawa. Miingon siya, “Ang mga panan-awon ug ingon nianang mga butang,” miingon, “iya kana sa Yawa.” Miingon siya, “O, medyo usa siya ka matang sa hipnotista, o nagapamuhat diha sa panghunahunang kinaadman sa pagbati.” Ang kalibutan pang-intelektuwal kanunay’ng nagapaninguha nga sabton kini.

¹³⁶ Dinha nila gipanguhaan nga sabton si Jesus niadto. “Ginaunsa Mo man pagbuhat kining mga butanga? Unsa may nagpaingon-ani niini?”

¹³⁷ Miingon Siya, “Pangutan-on Ko kamo og usa ka pangutana. Ang ministerio ba ni Juan nga Bautista. . . Iya ba kadto sa Dios o iya ba kadto sa tawo?” Kita n’yo?

¹³⁸ Nanag-ingon, “Dili namo masulti.”

¹³⁹ Miingon, “Dili Ko usab masulti kaninyo.” Husto kana. Ninglakaw sila. “Sukad niadto wala na’y nangutana Kaniya og bisan unsa man.” Kita n’yo? Nagakasanta lang gayud sila Kaniya, wala Niya ginasulti kanila ang bisan unsa man nga bahin Niini; wala sila’y labot. Aduna Siya’y buhaton nga buluhaton ug gihuman Niya kini.

¹⁴⁰ Hinaut nga tabangan kita sa Dios nga buhaton ang mao gihapon. Dili nato kinahanglan nga tubagon ang mga pangutana sa Yawa, husto kana, “Kung Ikaw man, buhata ang *ingon ani-ug-ingon ana.*” Responsabli ka alang nianang Maayong Balita, ang magwawali, ug mao lang kana; dili sa kung giunsa Kini pagsulat, ang importante gayud nga responsabli ka sa pagsulti Niini.

¹⁴¹ Ug ingon nga usa ka alagad, kung usa ikaw ka propeta, responsabli ka sa Dios. Ug kung ang nagaabot nga mga panan-awon ginahayagan kining Kasulatan ug nagapakita kung unsa Kini, responsabli ka sa matag Pulong nga anaa nianang Biblia, kay bug-os Kining gisulat sa mao rang matang sa mga tawo nga sama kanimo. “Ang Dios kaniadto nagpamuhat, pinaagi og mga

propeta, ug nagsulat sa Ba- . . . sa Balaang Biblia.” Kita n’yo? Ug walay tinuod nga propeta sa Dios ang makasalikway sa usa ka Pulong Niini, kondili ginatooan ang matag Pulong ug ginawali ang mao ra. Ug kung ingon-ana obligado ang Dios pinaagi nianang agianan sa pagpatuman nianang Pulong sa eksaktong paagi gayud nga gikasaad Kini, magatubo ang maong Binhi.

¹⁴² Karon himatikdi pag-usab, sa kadali, makita nato dinhi nga sa tanang pito ka adlaw pagakaonon kini nga tinapay, sa tibuok nga Pito ka Kapanahonan sa Iglesia. Karon, niadto kon diin kinahanglan kini nga mamatay ug malubong ngadto sa yuta.

¹⁴³ Ug kining tagpanaway nga nagsulti bahin kanako, miingon, “Sa usa ka Dios nga ginasimba ninyong mga tawo, nga makapahimutang niadtong Mangiub nga Kapanahonan ug lantawon lamang silang mga inahan, nga mabdos, ang uban pa kanila nanagkugos pa og gagmay’ng mga masuso, matinuurong mga tawo, nga ipanglabay ngadto sa arena ug pangkuniskunison sila sa mga liyon, ug nga manggisiyagit sila; ipangbitay sila diha sa mga krus ug pangsunogon sila; panghuboan ang mga kababayan-an, mga ulay nga mga dalaga, ug nga ipanglabay sila balik nga sama *niini*, ug ginapangbuhian ang mga liyon ngadto kanila.” Miingon, “Usa ka Dios nga makapahimutang didto sa Langit, gitooan pa man nga atua sa Iyang trono, ug nagalantaw kanila sa ubos ug nagaingon pa nga nalipay Siya niini,” ang ingon.

¹⁴⁴ Dayon, kita n’yo, kana’y intelektuwal nga panghunahuna nga iyaha sa Yawa. Kung espirituhanon pa ang maong tawo, nasayran niya unta nga kinahanglan mamatay kadto nga lugas sa trigo, kinahanglan nga malubong kadto sa usa ka Romanhong katedral.

¹⁴⁵ Apan bisan pa niana migawas ang usa ka gamay’ng udlot sa kinabuhi niadtong repormasyon pinaagi ni Martin Luther, nga, “Ang matarung dili mabuhi pinaagi sa gipanalanginan nga kosher nga mao’y ginahimo sa pari, kondili pinaagi sa Pulong sa Dios. ‘Mabuhi ang matarung pinaagi sa pagtoo!’” Nagpaturuk Siya og duha ka udlot. Misugod na og tubo ang maong lugas sa trigo.

¹⁴⁶ Sunod dayon nga miabot si John Wesley ug nagdugang niana. (Daghan pang uban kanila, nga . . . si Zwingli ug sila nga nangtungha ug nga gisalikway ang maong birheng pagpakatawo, ug namatay lang kini). Apan miabot sunod ang Methodist, ang uhay, ang polen, ang panahon sa pang-misyon. Ug nanagwali sila og pagpakabalaan; gidugang ang uhay.

¹⁴⁷ Sunod dayon miabot ang mga Pentecostal sa tipaka, nga halos mao na, aron limbongan ang Pinili. Mora og sama gayud sa usa ka tinuod nga lugas sa trigo, nga ablihan mo kini, walay trigo man lang. Apan nagaagi sa tipaka ang Kinabuhi.

148 Karon, nahimatikdan ba ninyo, nga sa matag tulo ka tuig human sa usa—usa ka dakung panagtigum, unsa may nagakahitabo? Usa ka denominasyon. Baynte na ka tuig kini ug nga walay denominasyon. Minahal nga naghimalatyong Cordero, hinaut nga dili gayud himoon niini kana. Kung mouna man ako niini nga henerasyon, hinaut nga ang mga tawo nga nagatoo niining Mensahe dili gayud motugot sa usa ka denominasyon! Ang Dios mao’y. . . Mangamatay kamo mismo dinha sa inyong ginaagian! Timan-i kana! Sa mismong takna nga manghisgot kamo og denominasyon sa taliwala ninyo, dili ko igsapayan kung unsa pa kamo ka matinuuron, nga magbutang og tawo ingon nga inyo nang lider imbis sa Balaang Espiritu sa pagpanghimatuod niini nga Pulong, mao na kana ang takna nga kamo mamatay! Dili mahimong buhaton sa tinuod nga Binhi, tungod kay wala na’y mahibilin pa human sa binhi, mao gihapon kini didto sa kinasugdanan. Ang Pangasaw-onon kadto ang nailubong sa yuta aron nga igapamunga ang lugas sa trigo pag-usab.

149 Himatikdi:

. . . sa pito ka adlaw maga-kaon ka og tinapay nga walay levadura. . .

150 Ug may magauban sa Pangasaw-onon. . .

151 Karon, kamong mga tawo nga nagkaaduna niadtong tigulang na nga Methodist nga inahan nga nagasinggit, ug uban pa, nga gihunahuna ninyo nga “Kung wala siya nagsulti og laing mga dila, dili siya makaadto didto.” Bakak kana! Aduna siya nianang mao rang Balaang Espiritu nga anaa ka sa karon, apan atua kadto sa pormang uhay, dili nga sa pagpasig-uli na sa mga gasa. Apan sa tibukog nga pito ka adlaw, mikaon lang og tinapay nga walay levadura, ang Pulong. Sila, kaniadto, sila nga mga nagdenominasyon, patay sila. Sila’y lindog, pangtigumon lang sila ug pangsunogon. Apan ang Kinabuhi nagapadayon mismo. Ug unsa may nagakahitabo? Ang tanang Kinabuhi nga atua sa lindog, sa uhay, sa tipaka, miadto tanan sa trigo. Ug ang kadtong mao rang Balaang Espiritu nga nagdala kang Luther, nagdala kang Wesley, nagpatungha sa mga Pentecostal, mahiabot diha sa Pangasaw-onon sa pagkabanhaw.

152 “Sa pito ka adlaw, magkaon og tinapay nga walay levadura.” Walay levadurang mahikaplagan taliwala sa Pangasaw-onon, wala—walay gidugang nga pulong, wala bisan unsa man. Hinumdumi, usa ka pulong ang nahimong hinungdan sa matag kamatayon nga anaa sa kalibutan; natawo ang matag anak sa gawas tungod kay si Eba, ang nahaunang iglesia, ang pangasaw-onon sa unang Adan, nagduhaduha sa Pulong sa Dios ug midawat sa usa ka pang-denominasyon, o pang-intelektuwal, o usa ka pang-eskwelahan nga pagpanuki Niini; tungod kay gipangatarungan Kini, nga, “Sigurado, ang Dios usa ka maayo

nga Dios.” Ang Dios usa man ka maayo nga Dios, apan usa pud Siya ka matarung nga Dios. Kinahanglan nga tumanon nato ang Iyang Pulong! Ang eskwelahan, gidawat ni Eba kini.

¹⁵³ Dinha kon diin ang uban kaninyong mga kalalaken-an nga seminarista, walay pagduhaduha nga aduna’y pagtawag sa inyong kinabuhi, apan midangop kamo ngadto sa kung unsang eskwelahan pang-Biblia aron itupok kining doktrina diha kaninyo, ug dinha kamo nagakamatay... Pagpabilin sa Dios ug sa Iyang Pulong. Dili ka nila tugotan; o, dili ka gani mahisakup sa ilang kongregasyon, dili ka dawaton sa ilang entablado. Busa pasagdan mo nga sa ila na kini, pasagdi ang patay sa paglubong sa minatay, sundon nato si Cristo ang Pulong.

¹⁵⁴ Karon, pito ka adlaw nga walay lewadura nga mahimong isagol sa Pangasaw-onon, sa Iglesia, sa pito ka adlaw.

¹⁵⁵ Karon himatikdi. Karon ingon nga walay . . .

Ug walay lewadura nga hikit-an diha kanimo sa tibuok mo nga utlanan sa pito ka adlaw; . . . (Usa ka tipo ang halad dinhi: ang Pangasaw-on nga nagatungha gikan sa Halad nga mao si Cristo). . . ni mamahimong aduna’y unsa mang unod, nga imong giihaw sa nahaunang adlaw sa gabii, . . .

¹⁵⁶ Ug mahinumduman—mahinumduman n’yo ba kung giunsa nga bag-ohay lang nato gihisgotan ang Kapanahonan sa Iglesia? Ang mensahero ngadto sa iglesia kanunay’ng nagaabot sa dihadiha nga mamatay na ang usa pa ka kapanahonan sa iglesia, kanunay gayud. Ang pagkahimalatyon na sa Pentecostal nagahatud sa pagsakgaw sa Pangasaw-onon. Kita n’yo? Ang pagkahimalatyon na ni Luther mao ang nagpatungha kang Wesley. Kita n’yo? Ang pagkahimalatyon na ni Wesley mao ang nagpatungha sa Pentecostal. Ang pagkahimalatyon na sa Pentecostal mao’y nagapatungha sa Mensahe karon. Ania, ania na kini mismo, nga nakasubay sa tibuok Kasulatan. Wala ni usa ka kasulatan sa Biblia nga dili nagakatakdo sa usa’g usa. Kita n’yo? Tanan niining mga tipo. Wala ko’y edukasyon, apan aduna ko’y Balaang Espiritu nga ginapakita kanako pinaagi sa usa pa ka agianan, nga nagatudlo gikan—gikan sa kinaiyahan; ug pinaagi kana sa Pulong. Kinahanglan nga Pulong gayud, gikasaad ang mga butang.

. . . unod, . . . ang halad sa nahaunang adlaw . . . sa hapon, nga igabilin pa sa maong tibuok gabii hangtud sa pagkabuntag.

¹⁵⁷ Karon, bisan si Luther, nga aduna ang Kamatuoran ug nga gitudlo sa iglesia “mabuhi ang matarung pinaagi sa pagtoo.” Dili ninyo gustong mopabilin niana ingon nga mao ang bug-os na nga doktrina, sa kapanahonan sa Methodist. Unsa may inyong buhaton? Sunogon kini sa kalayo. Unsa man kadto

nga tipo? Ang denominasyon nga nagagawas niana nga Pulong usa ka tipaka, ang lindog, ang mga tahop, kinahanglan nga pagasunogon sa kalayo. Kanang bahing pang-denominasyon nga giagian niini kinahanglan nga dili magpabilin, kinahanglan mamatay. Dili magbilin niini hangtud sa pagsulod sa usa—usa pa ka kapanahonan, sunoga kini! Nagapakigsulti Siya karon ngadto sa Pangasaw-onon dinhi, sa Pangasaw-onon lang, nga nagatungha sa matag kapanahonan.

¹⁵⁸ Himatikdi kung daw sa unsa katahum, “Ang dugo sa cordero.” Mga Lawas kini ni Cristo, ang Halad: ang dugo sa cordero diha sa pultahan. Karon, hinumdumi, gipatay niadto ang cordero nga mao’y usa ka tipo ni Cristo.

¹⁵⁹ O mahimong mogamit kita og daghan pang mga oras, apan wala na ako’y . . . pipila na lang ako ka minuto sa pagpabilin dinhi. Kinahanglan ko na tingaling mohunong ug sugdan pag-usab unyang gabii, kita n’yo, tungod kay nagakadugay kita niini. Kini . . . Aduna ko’y baynte pa ka panid niini dinhi, nga mga sinulat, bahin niining maong hisgotanan.

¹⁶⁰ Himatikdi karon, diha niini, ang—ang cordero mao si Cristo diha sa paghulagway. O husto ba kaha ang pagkasulti ko niana? Ang tipo; si Cristo mao ang Cordero. Siya ang mamahimong lalaki, ang nahauna gikan sa tigulang nga inahang karnerong ewe [karnerong baye—Tig.]; o yew, hain man sa usa ang pilion ninyong tawgon kini. Kinahanglan kini nga una gayud niya. Ug kinahanglan nga masusi siya una aron makita kung aduna ba’y ikasaway kaniya.

¹⁶¹ Karon, gisulayan si Cristo; ang unang karnero gikan sa inahang ewe, ang ulay nga si Maria. Ug gisulayan pinaagi sa unsa? Si Satanas batok sa Pulong. Sa gihapak niya si Eba, nahulog ang maong babaye; gihapak si Moises, nahulog kini; apan sa dihang gisulong niya si Cristo, ug gisulayan niya ang pagkutlo og Kasulatan nga sayup ngadto Kaniya, uh-huh, nakaplagan niya nga dili kadto si Moises. Kita n’yo? Gisulayan Siya. Unsay gihimo . . . mibalik siya, miingon siya, “*Kung* Ikaw man mao ang Anak sa Dios. Karon ginaingon nila kanako nga nagapangbuhat Ka og mga milagro, ug ginaingon nila kanako nga pagabuhaton kana sa Mesias. Karon, kung mao man, gutom Ka, wala Ka pa nakakaon, sugoa kining mga tinapay nga mamahimong . . . kining mga bato nga mamahimong tinapay, ug magkaon.”

¹⁶² Ingon Niya, “Nahisulat na, ‘Ang tawo mabuhi dili pinaagi sa tinapay lamang.’” Sa imong kredo, og uban pa. Apan pinaagi sa unsa? Sa matag Pulong. Sa usa ba ka bahin sa Pulong? “Sa matag Pulong nga nagagula sa baba sa Dios.” Sa nianang paagi kung unsa mabuhi ang tawo. Kita n’yo? Gisulayan ang Cordero, tanawon kung aduna ba bisan asa nga Siya’y nahulog.

163 Ang mga Fariseo, “O Rabbi. Ikaw nga batang Propeta, tan-aw namo nga kahibulongan Ka. Maayo Ka.”

164 “Nganong ginganlan mo man Ako nga maayo? Aduna’y usa lang nga maayo, ug kana mao ang Dios. Nagatoo ka ba niana?”

165 “Oh, oo. Dios.”

166 “Bueno, Ako mao Siya, kung ingon-ana.” Uh-huh. “Nag-ingon ka nga aduna’y Usa lang nga maayo. Nganong ginganlan mo man Ako nga ‘maayo,’ sa diha nga wala ka man nagatoo nga Ako ang Dios?” Hu-huh. “Busa nganong ginganlan mo man Ako nga maayo? Unsa may nakapaaghat kanimo nga buhaton kana? Unsa may nakapahatag inspirasyon kanimo aron isulti kana, sa diha nga nasayod ka man nga aduna ra’y usa nga maayo, ug kana mao ang Dios?”

167 “Kabalo kami nga wala Ikaw nagatan-aw sa kataas og kadungganan sa tawo ni sa ginaingon sa ilang katungdanan. Nahibalo kami niana.” Ginapaninguhaan nga...Kaila Siya niadtong maong tigpakaaron-ingnon. Kita n’yo?

168 Gisulayan Siya aron makita kung asa Siya nagabarug, kita n’yo, gisulayan sa tanan nang paagi, gisulayan sama usab nga gisulayan kita. Apan walay pagsurender, ngadto Kaniya, man lang. Wala, sir! Kadto ang Anak sa Dios.

169 Ug gisulayan ang cordero, ug gitagana sulod sa katorse ka adlaw. Duha ka Sabbath kana, o duha ka kapanahonan. Ang usa niini alang sa mga Judio, nga naghalad sila og cordero diha sa usa ka pagtipo; ang usa usab alang sa mga Gentil, nga aduna og tinuod nga Cordero, ug tanan sila nangahingpit pinaagi sa pagtoo nga moabot kining Cordero. Apan gisulayan Siya sa katorse...o gi-eksamen sulod sa katorse ka adlaw, Siya ang Pulong.

170 Ug mahimo mong susihon ang Daang Tugon, moingon “Ginakondena Niini ang Bag-o.” Sayup ka! Nagapamatuod lamang ang Daang Tugon sa Bag-o.

171 Usa ka lalaki ang mohagit kanako unta dili pa lang dugay, miingon, “Unsa may nahitabo kaniya?” Miingon, “Bueno, motudlo pa gani siya gikan sa Daang Tugon.” Usa ka Cristohanong magwawali, hunahunaa kana. Miingon, “Patay ug wala na ang Daang Tugon.” Oh, dili! Oh, dili! Usa lang kini ka magtutudlo, ginapakita niini kung unsa ang nakasulat diha sa bongbong. Kita n’yo? Husto kana.

172 Karon, kita n’yo, katorse ka adlaw nga gisulayan kini, si Cristo kadto. Karon himatikdi, dayon gipatay Siya sa pagsalup na sa adlaw, kinahanglan nga patyon, ang maong cordero. Gipatay si Cristo sa pagsalup na sa adlaw, sa kahaponon. Ug dayon himatikdi, Siya usab...

173 Kinahanglan nga maipahid ang dugo sa haligi sa mga pultahan, kita n’yo, nga ang dugo mao ang kinabuhi sa mananap.

“Pagakaonon ninyo ang unod niini; apan ang dugo niini nga mao ang kinabuhi, iyabo kini.” Kita n’yo? Gikinahanglan kadtung. . . Gikinahanglan nga ipahid ang dugo sa balabag ibabaw sa mga haligi sa pultahan sa balay kon diin gidawat ang halad. Himaya! Unsa man ang maong Kinabuhi? Ang Ngalan. Nga. . . Iyang gibutang ang ngalan sa tawo sa. . . Mosaka ka sa pultahan, ug tan-awon mo, makita mo kung unsang ngalan ang anaa sa pultahan sa dili mo pa patunggon ang timbre sa pultahan. Kita n’yo? Gipahid ang dugo diha sa balabag ibabaw sa pultahan ingon nga usa ka pagtipo kung unsa nga halad ang anaa sa sulod.

¹⁷⁴ Karon atong pangitaon ang mao nga dapit sa pagsimba, pinaagi mismo dinha, ang pag-adto pinaagi nianang Dugo. Himatikdi, ang dugo nga diha sa pultahan nagahisgot sa ngalan kung unsa ang. . . anaa sa sulod, atua sila sa sulod. Ang atong dapit sa pagsimba, ang Cordero, mao ang Pulong. Nahibalo kita niana.

¹⁷⁵ Karon, sa bersekulo 4, himatikdi, “Walay ibilin nga tinapay, walay ibilin ni unsa man sa halad,” o, magdala og usa gikan sa usa ka kapanahonan ngadto sa usa pa.

¹⁷⁶ Paninguhaon pang mobalik ug moingon, “Bueno, karon, mga Lutheran kami, gusto namong makaabot dinhi,” kinahanglan kang mamatay sa Lutheran nga kapanahonan aron nga matawo sa Wesley nga kapanahonan. Kinahanglan nga mamatay ka sa Wesley nga kapanahonan aron nga matawo sa kapanahonang Pentecostal. Ug kinahanglan kang mamatay sa kapanahonang Pentecostal, biyai ang bisan unsa man niini nga nahibilin, sunoga kini sa kalayo, tungod kay pagasunogon kini sama sa lindog nga gigikanan sa trigo. Ang lindog, ang denominasyon, kinahanglan pagasunogon kini. Busa ayaw dalha ang imong denominasyon ngadto sa bag-ong Mensahe. Kini na ang Pulong sa karon. Kadto mao ang nagdenominasyon, ang lindog; gidala niini Kini, husto kana; apan nahiaabot Kini ngadto *dinhi*, dayon namatay ang lindog. Usa kadto ka tigdala, ang denominasyon, apan nagapadayon mismo sa gihapon ang Pulong. Oo, nagapadayon mismo ang Pulong.

¹⁷⁷ Karon ablihan nato sa ika-5 ug ika-6 nga bersekulo. Himatikdi, “Dili. . .” Karon ablihan nato sa ika-5 ug ika-6 nga bersekulo.

Dili ka makahalad sa pasko sa bisan diin sulod sa mga ganghaan, nga gihatag kanimo sa GINOO nga imong Dios:

¹⁷⁸ Karon hinumdumi, “Dili sa bisan diin sulod niining mga ganghaan.” Nga gitugotan ka sa Ginoo nga magkaaduna niining mga denominasyon, kita n’yo, “niining mga ganghaan.”

Kondili sa dapit nga ang GINOO. . . nga pagapilion sa Dios aron pagapuy-an sa iyang ngalan, . . .

179 Kana nga Ganghaan, ang bugtong dapit. “Dili sa bisan diin sulod niining mga ganghaan.” Apan aduna’y usa ka Ganghaan ang Dios.

180 Moingon ka, “Nagasulod ako matag buntag sa ganghaang Methodist.” Kana ang iglesia. “Nagasulod ako matag buntag sa Katolikong ganghaan.” Uh-huh. Bueno, gitugotan sa Dios ang Iyang mga tawo sa pagsulod ug paggawas niining mga ganghaan. Aduna ang Dios og mga tawo sulod sa Katolikong iglesia, sa iglesiang Methodist, sa iglesiang Presbyterian, tanan sila, sa mga Pentecostal. Sigurado, apan dili . . . dili mo ginasimba ang Dios sulod niana nga ganghaan. Kita n’yo? Apan aduna ang Dios og usa ka pihong ganghaan. Himaya! Aduna Siya’y usa ka ganghaan.

*Kondili sa dapit nga ang GINOO nga imong Dios . . .
pagapilion nga pagapuy-an sa iyang ngalan, dinha . . .
maga-halad ka sa pasko sa hapon, . . .*

181 Kanus-a nakita ni Rebekah si Isaac? Kanus-a siya gitawag ni Eliezer aron mamahimong Pangasaw-onon? Sa panahon sa kahaponon!

Motungha ang Kahayag sa panahon sa
kahaponon,
Ang dalan sa Himaya imo gayud
mahikaplagan;
Sa nianang agianan sa tubig anaa ang Kahayag
karon,
Gilubong sa bililhong Ngalan ni Jesus;
Bata’g tigulang, hinulsolan ang tanan ninyong
sala,
Siguradong mosulod ang Espiritu Santo;
Miabot na ang mga Kahayag sa kahaponon,
Kini’ng kamatuoran nga ang Dios ug si Cristo
Usa ra.

182 Mao kadto ang sinugdanan Niini, mipabilin Siya karon sa Kahayag sa Pangasaw-onon. Nakita n’yo kung unsay akong pasabot?

183 Humanon ko na gayud dinhing puntoha, nga sugdan na usab unyang gabii, tungod kay dili ko gustong biyaan ninyo kini, nakita n’yo. Dili, dili, kini—oras na sa pagpaniudto. Bueno, bueno, aduna ko’y daghan pang mga sinulat dinhi. Oh, sus! Unsa kaha unyang gabii, mas okay ba kana? [Nagaingon ang kongregasyon, “Dili. Karon na.”—Ed.] Huh? Bueno, kung inyong . . . Gusto n’yo bang ipadayon pa’g gamay? [“Oo. Amen.”] Sige, ipadayon pa nato’g diyutay kung ingon-ana, dali-dalion nato mismo. Unsa kaha kung ingon-ana?

184 Karon, mosulod diha sa unsa? “Dili ka mosulod ngadto sa unsa mang ganghaan nga gikahatag kanimo sa Ginoo nga imong Dios, kondili sa maong ganghaan nga gipili sa Ginoo

nga papuy-an sa Iyang Ngalan.” Dili nga mosulod sa balay sa—sa ganghaan nga mao ang pultahan. Husto kana? Igabutang sa Dios ang Iyang Ngalan diha sa pultahan, ug dili kamo. . . Kana ang ganghaan nga pasulod ngadto sa maong dapit sa pagsimba, ang santuwaryo. Wala ka nagasulod didto nga dala ang imong halad ngadto sa unsa man niining mga ganghaan, apan sa maong ganghaan nga gipili sa Dios nga papuy-an sa Iyang Ngalan. Kita n’yo?

¹⁸⁵ Karon, nabuhat Niya ba kana? Asa man kana nga ganghaan? Diha sa San Juan 10, nag-ingon si Jesus, “Ako mao ang ganghaan, ang pultahan. Ako mao ang pultahan ngadto sa Balay sa Dios. Ako mao ang pultahan ngadto sa toril sa mga karnero.” Dili nga toril sa mga kanding, toril sa mga karnero. Kita n’yo? “Ako mao ang pultahan ngadto sa toril sa mga karnero. Ang tawo nga mosulod niining pultahan, maluwas.”

¹⁸⁶ Ug mahimo karon nga modugay pa kita diha niana. Apan, aron nga dili mausik ang oras, Siya mao ang pultahan ngadto nianang toril sa mga karnero. Karon, gusto natong himatikdan dinhi. Ang mga landong ug mga tipo klaro gayud dinhi, apan akong. . . kung hisgotan ko kana nga panid akong. . . mapalangan kamo niini sa kadali.

¹⁸⁷ Bueno, himatikdi, nga bug-os ginapaklaro niini, si Jesus Cristo. Tungod kay ang tibuok nga Daang Tugon mao’y katipo Niya, ang tanang mga fiesta, ang tanang pagsimba, ug tanan na. Ug aduna ko’y gisulat dinhi, ilalum niining linya sa mga Kasulatan, “Ipasabot kini.” Dinha kini magdugay. Ipasabot kung giunsa nga ang mga fiesta. . . bisan ang halad nga harina mao’y usa ka tipo ni Cristo. Hisgotan lang nato kanang usa.

¹⁸⁸ Usa ka panahon niadto aduna’y usa—usa ka eskwelahan nga gitawag og eskwelahan sa mga ministro, o eskwelahan sa mga propeta. Nanggibansay sila, og edukadong mga propeta. Ug aduna’y usa ka tinuod, tinawag-sa-Dios nga propeta usa niadtong higayona nga miadto sa pagbisita kanila. Bueno, gusto sila magpakita sa maong tigulang na nga propeta og gamay’ng katahuran, busa usa kanila ang milakaw ug mikuha og usa ka bugkos sa kung unsay gidahum niya nga mga gisantes; apan nga makahilong ihalas nga bunga kadto, ug magapakaon siya kanilang tanan sa niana.

¹⁸⁹ Oh! Pila na ka mga sabakan nga puno og seminaryo nga nagkaaduna kita! Kita n’yo? Husto. Aduna sila’y ginaluto nga kung unsa. Kita n’yo? Nagkaaduna na’y mga sabakan nga nga puno sa Methodist, sabakan nga nga puno sa Baptist, sabakan nga nga puno sa mga Pentecostal. Apan, nakita n’yo, sila’y mga pang-ikaduhang nagtubo, ang matang nga mahimong putlon gikan sa kahoy. Kita n’yo, dili nga sa maong pinakapunoan sa Kahoy. Nga nagapamunga og mga lemon, mga kahil, ug uban pa; dili nga orange, apan nagapakaaron-ingnon nga citrus kuno.

¹⁹⁰ Himatikdi pag-usab. Karon, sa niining—sa niini, sa miabot didto si Elias ug gitan-aw sila, ug nakita nga makahilong ihalas nga bunga kadto nga mopatay gayud sa matag usa kanila, miingon sila, “Hala, aduna kita’y kamatayon diha sa kolon!”

¹⁹¹ Miingon siya, “Dalhi ko og usa ka pudyot sa harina.” Ug iyang gisabwag ang harina sulod niini, miingon siya, “Karon okay na kini, pagkaon kamo sa gusto n’yo.” Giusab ang kamatayon ngadto sa kinabuhi.

¹⁹² Ug ang halad nga harina nga gihatag ngadto kang...si Cristo, Siya ang maong halad nga Harina, ug kinahanglan nga masahon ang halad nga harina nga gamit ang usa ka himan nga ginahimong pare-pareho ang matag pudyot sa maong harina, nagapakita nga Siya’y mao sa gihapon kagahapon, karon, ug hangtud sa kahangturan. Siya sa gihapon ang ibutang diha sa inyong denominasyon ug mabuhi kini, ang Pulong! Si Cristo mao ang Pulong, ang maong tanang tipo sa tanan na: sa tabernakulo, sa—sa—sa tinapay’ng halad, tanan na. Ang gipikaspikas nga kosher nga anaa sa plato mao ang Iyang gipikaspikas nga lawas, nga dili masaysay sa gihapon sa mga Judio kon ngano nga ginabuhat nila kini. Kita n’yo? Ug ang tanan nang uban pa niining butanga mitipo Kaniya.

¹⁹³ Karon, kung ingon-ana, nga dayag na Siya nga makita, makita nato karon nga ang tanang denominasyon ug mga kredo nangabiyaan na; kay Siya mao ang putli, walay-pagkausab nga Pulong sa Dios, nga mao ang tinapay’ng walay-levadura, San Juan I. Husto kana, Siya mao ang Tinapay’ng walay-levadura. Busa sa diha nga idugang mo *kini* o idugang *kana*, usa na kini ka levadura nga gidugang ngadto Nianang orihinal nga gikahatag alang kanimo.

¹⁹⁴ Tan-awa dinhi. Unsa man ang nagapatay sa kaliwatan karon? Ginakuha nila ug gina-hybrid ang mga butang. Ug sa diha nga gina-hybrid mo kini, ginapatay mo kini. “Oh, mas maanindot kini tan-awon.” Sigurado! Mais nga gi-hybrid: hinup-ak nga mais, uban pang mga cereal nga gikan sa mais. Gipang-hybrid nga mais: maanindot, dagku, gwapo og tag-as nga mga lindog, ug maanindot nga dagkung lagas, nga mora og doble ka mas maayo pa kay sa uban. Apan kamatayon kini! Bisan ang siyensya nakasusi niana. Kita n’yo? Ayaw ipangsagol-sagol kini, patyon ka niini.

¹⁹⁵ Karon, dinhi, ipakita ko kaninyo. Sa niadtong miaging adlaw ginapamunyagan ko ang mga bulak didto sa akong nataran. Ug may babaye nga aduna’y pipila ka mga gi-hybrid nga mga bulak nga atua sa gamay’ng masetasan dinhi, o gamay’ng tamnanan sa kilid sa iyang balay. Kinahanglan natong pamunyagan kining mga butanga nga dili mominos sa makatulo ka higayon sa usa ka semana, o upat, o mangamatay sila. Ug atua ang orihinal nga tanum didto sa nataran. Wala gayud ulani didto sulod sa unom

ka bulan, nga ingon na gayud ka mala . . . Nga kung moulan man, sulod sa napulo ka minuto pwede ka na mangyabyab og abog. Apan ang kadtong gamay'ng tanum nga atua didto, nga mas maanindot ug mas mahayag kay sa gi-hybrid nga anaa na niini ang tanang pagpangbisbis og tubig. Ayaw bisbisi'g tubig kadto, mamatay siya. Apan asa man gikuha sa maong orihinal nga tanum ang iyang tubig? Ug ang usa pa ka butang, gikinahanglan nga padayon mong espreyhan silang mga gi-hybrid sa matag adlaw o duha, aron padayon nga halayo kanila ang mga insekto. Kung dili, kaonon kini sa insekto, luyat kaayo ug huyang kini. Apan walay insekto ang moanha nianang orihinal. Wala, wala! Mokamang pa lang kini ngadto kaniya ug mokamang na kini palayo. Orihinal siya! Nakita n'yo na kung unsay nahimo sa pagpang-hybrid?

¹⁹⁶ Ingon niana usab sa iglesia. Ginapaningkamotan nilang isagol ang denominasyon sa Pulong, aron himoon nga . . . paninguhaong ipasulti ang Pulong sa kung unsay ginasulti sa denominasyon. Ug sa dihang buhaton mo kana, gikinahanglan mo nang espreyhan sila, ug bebi-bebihon sila, ug—ug hatag-hatagan na sila og mga gold star aron motambong sa Sunday school, ug tanan nang uban pa. Husto kana. Sa dihang, ang usa ka tinuod, nga Cristohanong natawo na pag-usab, natawo pinaagi sa Pulong sa Dios, siya'y malig-on. Ikaw kana. Ang insekto ug ang mga butang nga iya sa kalibutan wala niya panumbalinga. Usa siya ka agila, lagpas niyang ginaluparan kini. Kita n'yo, nagalupad ngadto sa kalangitan. Kita n'yo? Matuod kini. Wala gayu'y . . .

¹⁹⁷ Himatikdi. Karon, kinahanglan natong sabton nga dinhi, ang denominasyon, mga kredo, ug ang bisan unsa man nga ginadugang diha sa tinapay'ng may levadura dili mahimong isagol sa tinapay'ng walay levadura. Ug ginahulagway sa Biblia dinhi sa sakramento, bahin sa pagsimba, nga walay levadura ang mahimo mong dalhon, ug pagadawaton kini sa Dios.

¹⁹⁸ Moingon ka, “Methodist ako.” Dinha mismo patay ka na! “Pentecostal ako.” Patay ka!

¹⁹⁹ Iya ako ni Cristo. Husto kana. Kinahanglan nga nagabarug ka sa usa ka butang. Husto kana. Ikaw—nagabarug ka sa usa ka butang.

²⁰⁰ Nag-ingon kaniadto si Churchill, gipataas ang duha ka tudlo ug miingon, “Kanato na ang kadaugan.” Ug gibarugan kadto sa Englatera, mitoo sila kang Churchill.

²⁰¹ Ug motoo man mo niini o dili, niining buntaga, nagtindog kamo sa usa ka butang. Aduna lang usa ka butang nga mahimo kamong mabuhi ug tindogan, ug mao kana si Cristo, ang Pulong. Matuod!

²⁰² Himatikdi, walay bisan unsa man sa Biblia nga nagatipo sa mga denominasyon gawas sa Babilonia. Ug gitukod ni Nimrod

ang Babilonia, ug si Nimrod usa ka masupilon. Ug nagkaaduna siya og usa ka pundok sa mga babaye didto, nga gitooan nga iyang mga reyna-reyna, nga mga propetisa. Ginatooan pa gani nila nga ang tigulang nga si Balaam gikan nianang linyaha, aduna sila’y ilang gigikanan ug uban pa. Nanagsimba sila, kabalo na mo (kadaghanan kaninyong mga iskolar ang nagabasa sa iya ni Hislop nga *Two Babylons*, ug uban pa, ug sa kasaysayan sa iglesia), ug kung unsay ilang—ilang gipanghimo. Ug aduna sila niadto og mga kababayan-an nga nagapangbuhat *niini*, ug mga babaye. . . usa ka diosdios nga babaye, ug tanan na, ug usa kadto ka pinugsanay nga relihiyon. Ang tanan, ang matag siyudad sa palibot sa Babilonia ginapamugos sa pag-adto sa Babilonia aron sa pagsimba ilalum ni Nimrod didto sa tore. Kita n’yo? Husto kana. Nangapugos sila sa pagbuhat niini, nanaglantugi niini. Didto na kon diin miabot ang kalibug.

²⁰³ Ug eksaktong ingon niana kung unsa ang iglesia sa karon, “Kung dili ka motambong sa Sunday school, kung dili mo buhaton *kini*, ug kung kinahanglan nga bayaran ka pa aron buhaton *kini* ug buhaton *kini* ug buhaton *kana*, wala ka na.”

²⁰⁴ Didto sa Tucson, may nagapaminaw niining buntaga, nahunahunaan ko sa makausa. . . kanunay kong ginapamugos ang mga tawo, “Pangadto sa simbahan, bisan kung asa pa’y inyong adtoan.” Ug nakita ko ang mga tawo nga medyo nangatras, ug namaingon *niining* direksyon. Ug nahunahunaan ko, “Unsa’y nahitabo?”

²⁰⁵ Giadtoan ko ang pipila kanila, “Sa unang adlaw nga atua ka didto, duolon ka nila, ‘Magpasakup ka sa among iglesia.’ Kung dili mo buhaton *kini*, dili kami moabiabi kanimo.” Kita n’yo? Kita n’yo? Usa ka pinugsanay nga butang, pinugos *kini* diha kanimo, kita n’yo, ug mao kana ang Babilonia. Apan kang Cristo, nagasulod ka pinaagi og pagpili; dili pinaagi sa pagpamugos, ang kasingkasing mo mao ang nagabira kanimo pasulod.

²⁰⁶ Wala sa Dios gibutang ang Iyang Ngalan sa Babilonia kung ingon-ana. Paminaw og maayo karon. Dili Niya mahimong ibutang ang Iyang Ngalan sa Babilonia, sa mga kaiglesiahan. Oh, sila, *sila* ang nagabutang sa Iyang Ngalan dinha, apan wala gayud Siya. Wala.

²⁰⁷ Moingon ka, “Bueno, karon, Igsoong Branham!” Kadali lang, kadali lang, pagpabilin lang nga nakalingkod sa makadiyut. Inyo akong gihangyo nga padayonon pa og dugay-dugay. Dili ba ninyo makita? Karon himatikdi, *sila* ang nagabutang sa Iyang Ngalan dinha, apan dili mao Siya.

²⁰⁸ Karon, nag-ingon Siya, “Ang dapit kon diin Ko kamo tagbuon ug dawaton ang inyong halad mao’y kon diin ang gipili ko nga butangan sa Akong Ngalan. Sumulod kamo sa niining ganghaan, sa niining pultahan kon diin Akong ginapili nga papuy-an sa Akong Ngalan. Dinha kon diin kamo nagasulod.”

209 Bueno, ilang gibutang, “Mao kini ang iglesia ni Cristo.” Kung aduna ma’y butang nga sayup niana nga pahayag, nabiyaaan niini ang usa ka pulong: “anti.” Uh-huh, ang tanan nga Iyang gitudlo, dili sila nagauyon Niini. Modernong mga Fariseo.

210 Apan ato kinahanglan pangitaon kung asa Niya gibutang ang Iyang Ngalan, kay diha Niini mao’y kon diin ang Iyang gikataganang ganghaan. Amen! Himaya! Bantayi! Asa man Niya gibutang ang Iyang Ngalan? Sa Iyang Anak.

211 “Oh,” moingon ka, “karon sa makadiyut lang, Igsoong Branham. Ang Anak kadto, dili ang Amahan.”

212 Kanunay’ng ginadala sa anak ang ngalan sa iyang amahan sa tanang higayon. Miabot ako niining kalibutan sa ngalan sa usa ka Branham tungod kay Branham ang ngalan sa akong amahan.

213 Nag-ingon si Jesus, “Mianhi Ako sa Ngalan sa Akong Amahan, ug kamo wala modawat Kanako.” Gusto n’yo ba ang Kasulatan bahin niana? San Juan 5:43. Kita n’yo? “Ako—mianhi Ako sa Ngalan sa Akong Amahan, ug kamo wala modawat Kanako.” Kung ingon-ana gibutang sa Amahan ang Kaugalingon Niyang Ngalan, nga mao’y “Jesus,” diha sa Anak. Ug Siya mao ang Dalan, Siya mao ang Pultahan, Siya mao ang Balay, Siya mao kon diin gipili sa Dios nga butangan sa Iyang Ngalan. Wala gayud gibutang sa Dios ang Iyang Ngalan dinhi kanako, wala gayud Niya gibutang Kini diha sa iglesia, wala gayud Niya gibutang Kini diha sa Methodist, Baptist, Katoliko, kondili gibutang Niya Kini kang Cristo ang dinihogang Emanuel.

214 Ug ang maong Ngalan anaa sa Pulong tungod kay Siya *mao* ang Pulong. Amen! Unsa Siya karon kung ingon-ana? Ang Pulong nga gihubad nga mao ang kapadayagan sa Ngalan sa Dios. Dili ikahibulong. “Walay unod ug dugo ang nagpadayag niini kanimo, kondili ang Akong Amahan nga anaa sa Langit mao ang nagpadayag niini kanimo, kung Kinsa Ako. Ug ibabaw niining bato pagatukoron Ko ang Akong dapit nga pagasimbahan, ug ang mga ganghaan sa hades dili makalumpag Niini.” Amen! O buhing Iglesia sa Dios, pagbarug diha sa maligon nga patukoranan nga anaa kang Jesus Cristo lamang. Mahimo mong kantahon ang kalantahon, apan kung wala ka kang Cristo nga mao ang Pulong, usa ikaw ka nagasosarasay, nagakahugno nga balas. “Apan ibabaw niining bato,” si Cristo, “ang Akong Pulong.”

215 Iyang gitukod ang mensaheng Lutheran ug ila kining gihimong denominasyon. Nagtubo kadto, ang tilan. Dayon midaku Siya ngadto sa batiis na nga bahin, ang Methodist, ug uban pa. Dinha kon diin Niya gitukod ang Iyang Iglesia, ibabaw sa Iyang Pulong! Karon, dili Siya puro tiil o puro paa, usa Siya ka lawas; ug karon mao na ang punto sa pagtaklub. Nahimatikdan

ba ninyo diha sa mga piramide? Nga, wala ako nagawali og relihiyong piramide, karon.

²¹⁶ Apan ang nahaunang Biblia nga nahisulat gayud, gisulat niadto sa kalangitan, ang zo-... [Blangko nga bahin sa teyp—Ed.] Nahimatikdan ba ninyo kini? Nagasugod kini sa birhin, ang unang dagway diha sa zodiac. Ang kaulahiang dagway mao'y Leo nga liyon. Una Siyang miabot pinaagi sa birhin, nagaabot Siya sunod ingon nga mao ang Liyon sa banay ni Judah. Sa wala pa kana, mao'y kapanahonan sa cancer, ang pa-krus nga isda, tanan nang uban pang mga kapanahonan. Kung aduna lang kita panahon aron hisgotan kini; nga aduna kita, didto sa tabernakulo.

²¹⁷ Ug ang pira-...sa piramide maingon kadtong mga pundasyon, hangtud pasulod didto sa lawak sa hari. Ug sa dili ka pa makadangat sa maong ikapitong bongbong, aduna'y gamay nga pasiunang tabla didto, kon diin nagawas ang usa ka mensahero aron dalhon ka ngadto sa hari. (Ang mensaherong si Juan nga Bautista nga mao'y tigpaila ngadto sa Hari), apan gisalikway ang Pangulong Bato. Ug wala sila nakahibalo, sa Batong Scone, o unsa man kini, wala sila nakahibalo kung asa na kini, tungod kay usa kini ka batong gisalikway. Apan mao kana ang bato nga nagapakumpleto sa maong tibuok butang, nga nagapa-piramide niini sa tibuok kumpleto nga pitong kapanahonan sa iglesia. Idugang ang grasya, idugang *kini*, idugang *kini*, aduna'y pito ka gidugang, ang kaulahian mao si Cristo. Idugang *kini* ngadto sa inyong gugma, idugang ang grasya ngadto sa inyong grasya, idugang ang uban pa, ug uban pa, hangtud nga modangat kini ngadto kang Cristo nga mao ang Pangulong Bato, "Ug Ako mao ang pultahan."

²¹⁸ Karon, kanunay'ng nagaabot ang anak sa ngalan sa iyang amahan. Ang si kinsa man nga anak nagaabot sa ngalan sa iyang amahan. Ug nag-ingon si Jesus, "Mianhi Ako sa Ngalan sa Akong Amahan." Kung ingon-ana unsa ma'y Ngalan sa Amahan? Unsa may Ngalan sa Anak? Ug nag-ingon Siya, "Hamubo na lang nga panahon ug unya ang kalibutan dili na makakita Kanako, apan kamo makakita ra Kanako." Oo, miabot Siya sa porma sa Espiritu Santo, kadtong mao rang Jesus. Mao kana ang hinungdan nga sila nagasimba, "O Jesus!" Kita n'yo? Kita n'yo? Amahan, Anak, ug Espiritu Santo: Si Ginoong Jesus Cristo kini. Kana lang. "Mianhi Ako sa Ngalan sa Akong Amahan, ug wala kamo modawat Kanako."

²¹⁹ Karon, hinumdumi, Iyang gidugang usab dinhi ug gipasidan-an kita, "aduna'y usa pa nga magaabot," usa ka denominasyon, usa ka kredo. "Magaabot sila sa ilang ngalan ug inyo silang pagadawat. Dili kamo modawat Kanako, ang Pulong nga gipanghimatud-an ug gipamatud-an sa inyong atubangan."

220 Kung unsa Siya ka husto kaniadto, mao usab Siya sa karon. Ayaw ninyo'g sipyata kana, mga tawo sa tibuok nasud! "Aduna'y usa pa nga magaabot, usa ka iglesia, ug pagatooohan ninyo kana, tungod kay makahimo man kamo sa unsa ma'y pamaagi. Dili Ko kini panghimatud-an." Wala gayud Siya (sa unsa mang panahon, sukad-sukad) nagpanghimatuod sa bisan unsa man (unsa mang iglesia) gawas sa gikahatag nga Mensahe: ang kang Luther, pagpamatarung; Wesley, pagpakabalaan; Pentecostal, ang pagpanag-uli sa mga gasa. Human sa... Ug dihadiha sa pagkatukod nila og usa ka denominasyon gikan niini, dinha kini namatay. Susiha ang mga Kasulatan.

221 Apan nag-ingon Siya, "Pagapilion Ko ang dapit nga papuy-an sa Akong Ngalan." Ug ang Ngalan mao'y Jesus. Ug si Jesus mao ang Pulong, San Juan 1. Husto ba kana? Mao kana ang dapit nga pagasimbahan, diha kang Cristo nga mao ang Pulong. "Mianhi Ako sa Ngalan sa Akong Amahan."

222 Nag-ingon ang propeta, "Ang Iyang Ngalan pagatawgon Emanuel." Sa Mateo 1:23 kana, kung gusto ninyong isulat kana. Jesus, Jehovah, ang Manluluwas.

223 Karon, ginapakita sa ika-5 nga bersekulo nga Siya mao ang pultahan. Sa karon, daghan uban pang mga dili-makita nga mga kapanghimatuoran, nga kining ganghaan, ug Ngalan, ug dapit mapanghimatud-an nga aduna lang usa ka dapit nga mahimong makigtagbo ang Dios sa tawo aron sa pagsimba, ug kana mao'y sa dihang anaa siya kang Cristo.

224 Karon, karon ang pangutana mao'y, "Unsaon man nato pagsulod diha Kaniya?" Karon, medyo mokusi lang kini og diyutay; apan, kabalo mo, sama sa pag-inom og tambal, kung dili kini makapasukaon kanimo, dili kini makahatag og kaayohan kanimo. Kita n'yo?

225 Karon, gusto mosulod ang mga Lutheran sa usa ka pamaagi, pinaagi sa pagpamiyembro sa iglesiang Lutheran. Gusto mosulod ang Methodist pinaagi sa pagsinggit-singgit. Gusto mosulod ang mga Pentecostal pinaagi sa pagsulti og laing mga dila. Sa gihapon dili kini ingon niana! Kita n'yo? Dili, mga gasa kana, og uban pa. Apan ang Unang Mga Taga-Corinto 12 nagaingon, "Pinaagi sa usa ka Espiritu." Sa Espiritu sa Dios, nga mao ang maghahatag-og-Kinabuhi ngadto sa Pulong (sa Binhi), aron panghimatud-an kana nga Binhi alang sa nianang kapanahonan. Kita n'yo?

226 Ania ang binhi nga pang-Methodist nga kapanahonan nga atua didto, gikinahanglan nga buhion sa Balaang Espiritu kana nga binhi ug maputli... putlion ang maong iglesia pinaagi sa pagkabalaan; wala kana giwali ni Luther, tungod kay wala siya nakahibalo niini. Gusto mosulti og laing mga dila ang mga Pentecostal alang sa pagpanag-uli sa mga gasa. Ang matag usa nagapamahayag, "Mao na Kini! Mao na Kini!" Kita n'yo?

227 “Apan pinaagi sa usa ka Espiritu kitang tanan nabautismo ngadto sa usa ka Lawas,” ug usa ka pamilya kana nga Lawas, ang pamilya sa Dios. Ug mao kana ang balay sa Dios, ug ang balay sa Dios mao ang Ngalan ni Jesus Cristo. “Ang Ngalan sa Ginoo usa ka gamhanang tore, ang matarung nagadalagan nganha Niana ug may kaluwasan.”

228 Karon, unsaon man nimo pagpakasulod pinaagi og usa ka titulo? Unsaon man pagdawat sa imong tseke nga nagaingon, “Gibayaran sa sugo ni—ni Reberendo, Doktor, Ministro”? Kita n’yo? Kita n’yo? Mahimong usa ka ka reberendo, doktor, ministro. Apan ang *ngalan* sa Ginoo mao’y “Jesus Cristo.” Kita n’yo?

229 “Gipili Ko nga ibutang ang Akong Ngalan sa pultahan sa balay sa pagsimba Kanako, kay ang Akong pamilya magatigum dinha ilalum sa Dugo; sama kaniadto sa Egipto, nga ang unsa mang atua sa gawas namatay. Ug walay tinapay nga may levadura dinha! Walay pang-denominasyon nga pagkasagol Niini bisan asa man, ang Akong balay! Ang Akong mga anak, nga mga natawo sa Akong binhi!” Amen! Himaya sa Dios! “Anaa kanila ang Akong binhi! Ang Akong. . . Gibutang Ko diha kanila ang Akong Pulong. Ibutang Ko ang mga niini diha sa mga papan sa ilang kasingkasing. Kana ang Akong pamilya, ang pamilya sa Lawas ni Jesus Cristo; ang maong pamilya. Ug magasulod ka niining pultahan, dili sa Methodist, Baptist, o Pentecostal, kondili sa maong pultahan kon diin papuy-an Ko sa Akong Ngalan.” Dili kini Methodist. Dili Methodist ang Ngalan sa Dios. Dili Pentecostal ang Ngalan sa Dios. Dili Baptist ang Ngalan sa Dios. Dili Katoliko ang Ngalan sa Dios. Pagpahilayo sa maong mga pultahan kung ingon-ana. Kita n’yo? Kita n’yo? Kita n’yo?

230 “Kondili sa dapit kon diin pagapilion Ko nga papuy-an sa Akong Ngalan.” Karon, wala na’y uban pang gikahatag nga dapit sa Biblia nga gipapuy-an gayud sa Iyang Ngalan, kang Jesus Cristo lamang, kay Siya ang Anak sa Dios nga nagadala sa Ngalan sa Dios, ug ang pang-tawo nga Ngalan sa Dios. “Ug walay bisan unsa pang lain nga ngalan sa silong sa Langit nga pinaagi niini mamaluwas kamo.” Dili ko igsapayan, nga Methodist, Baptist, Presbyterian, mga katesismo, o unsa man nga gusto ninyong buhaton; pinaagi lamang sa Ngalan ni Jesus Cristo kon diin ang tanang tuhod magaluhod ug ang tanang dila magadayeg niini, Kaniya ingon nga Ginoo. Dinha kon unsaon ninyo ang pagsulod.

231 Ug kung nabautismohan ka man sa tubig nga husto—husto, ug dayon ginasalikway ang Pulong, kung ingon-ana anak ka sa gawas; dili husto ang imong pagkahimugso. Nagapamahayag ka nga nagtoo ka Kaniya niadto, ug imo Siyang ginasalikway.

²³² Unsaon ko man pagsalikway sa akong pamilya? Sa dihang... Unsaon ko man pagsalikway kang Charles Branham ingon nga akong amahan? Ginapakita niini sa pagsusi sa dugo nga anaa sa pultahan. Uh-huh.

²³³ Ang akong panglihok, ug ang pagpanghimatuod sa Pulong sa Dios sa akong kinabuhi nagapakita kung usa ba ako ka anak sa Dios o dili. Karon, dinha ang bugtong dapit sa Dios. Nakita n'yo ba kini? Ang bugtong dapit kon diin pagadawaton sa Dios ang inyong halad (dili ko igsapayan bisan kung unsa ka pa ka matinuuron) mao'y diha kang Cristo.

²³⁴ Ug hinumdumi... Moingon ka, "Bueno, nagtoo ko nga nakasulod pud ako." Hinumdumi, nagaingon ang Biblia... Moingon ka, "Bueno, nag-ingon man ang Biblia, 'Ang tanan nga nagatoo nga si Jesus Cristo mao ang Anak sa Dios, luwas, mamaluwas.'"

²³⁵ Nagaingon Kini niana, apan hinumdumi nga nahisulat *usab*, nahisulat *usab* nga, "Walay kinsa man nga makatawag kang Jesus nga Cristo, kondili pinaagi lamang sa Espiritu Santo." Kita n'yo? Moingon ka tingali, "Mao Siya," apan dili mao Siya hangtud nga ginapamatud-an sa Balaang Espiritu Mismo nga mao ang nagahatag og Kinabuhi ngadto sa Pulong pinaagi sa pagpanghimatuod nga ikaw anak sa Dios. Kana ang Kasulatan.

²³⁶ "Ang gipili Ko nga dapit nga papuy-an sa Akong Ngalan. Dili ka magsimba sa bisan unsa nga laing ganghaan, kondili sa ganghaan nga papuy-an Ko sa Akong Ngalan; dayon dawaton Ko ikaw, anaa ka sa Akong pamilya."

²³⁷ Karon, ang pamilya sa Dios nagatuman sa sugo sa Amahan sa pamilya. "Ug Siya mao ang Prinsipe sa Pakigdait, ang Dios nga Makagagahum, ang walay katapusang Amahan; ug ang Iyang kamandoan ug paghari walay katapusan, ang kagamhanan igatungtong sa Iyang mga abaga." Ug Siya ingon nga mao ang Punoan, Hari, Emanuel, ang Nahauna, ang Naulahi, Prinsipe sa Pakigdait, ang Dios nga Makagagahum, ang walay katapusang Amahan, ang matag usa sa Iyang mga anak nagatuman sa matag Pulong sumala sa pagkasugo niini tungod kay sila kabahin Niya.

²³⁸ Nagakinabuhi kami sa among panimalay sama sa kung unsa magkinabuhi ang mga Branham. Nagakinabuhi kamo sa inyong panimalay, ang mga Jones, sama sa kung unsa magkinabuhi ang mga Jones.

²³⁹ Ug sa Balay sa Dios nagakinabuhi kita pinaagi sa Pulong sa Dios ug sa matag Usa nga nagagula sa baba sa Dios; ug sa laing uban pa, sa limbongan, dili kita maminaw kaniya. Kita n'yo? "Magakaon ka og tinapay nga walay lewadura, sa matag kapanahonan sa iglesia, ingon gayud sa pagkahatag Ko Niini kanimo." Apan ayaw sulayi pagbalik ug isal-ot kana ngadto Niini, tungod kay anaa na kini sa lindog. "Kuhaon mo ang mga

bukog ug ang mga butang nga nangabilin sa halad ug sunogon ang mga niini!” Wala na, namatay na ang maong kapanahonan sa iglesia, mipadayon; ania kita sa laing usa na karon. Amen!

²⁴⁰ “Ang dapit nga pilion Kong papuy-an sa Akong Ngalan.” Oh, sus! Unang Mga Taga-Corinto 12.

²⁴¹ Himatikdi ang Mga Taga-Efeso 4:30.

...ayaw pagsakita ang balaang Espiritu sa Dios, ni kinsa gikatimrihan kamo hangtud sa... (sunod nga rebaybal?)... hangtud sa adlaw sa inyong pagtubos.

...ayaw pagsakita ang balaang Espiritu sa Dios, ni kinsa gikatimrihan kamo hangtud sa adlaw sa inyong pagtubos.

²⁴² Karon himatikdi. Atong iaplikar kana sa atong leksyon sa Kasulatan. Manguli na gyud kita dayon; siguro ginapakapoy ko na ang mga tawo. Kita n’yo? [Aduna’y nagaingon, “Dili, dili pud, Igsoong Branham.”—Ed.] Tan-awa dinhi, nanindog na ang mga tawo ug nagapanguli na, nakita n’yo, busa aduna sila’y—aduna pa sila’y lutuon nga paniudto, ug aduna pa sila’y gustong pakigkitaan. Wala nila gipaabot nga moanhi aron maminaw tibuok adlaw. Kita n’yo? Apan, tan-awa, kabalo na kamo sa... .

²⁴³ [Aduna’y giingon si Igsoong Ben Bryant—Ed.] Ben, oh, angay akong mamuhat diha kanimo! Pagapanalanginan ka! Salamat kanimo, Igsoong Ben. Gimahal kanako, Igsoong Ben.

²⁴⁴ Kung kahibalo pa mo kung unsay naagian nianang lalakiha niadtong giyera alang kanato; grabe ang pagkapusil kaniya, ug nabuthan pa, ug tanan nang uban pa. Nasinatian na niya ang tanan-tanan sa kinabuhi, apan gipanalanginan siya sa Dios. Mipabilin siyang matinud-anon. Gibiyaan siya sa iyang asawa, milayas ug nagminyong pag-usab, ug gidala ang iyang mga anak. Oh sus, dili ko gayud mahunahuna ang bahin niini.

²⁴⁵ Apan, bisan pa, ang Dios magapanalangin kanimo, Ben.

²⁴⁶ Anaa siya mismo dinha karon nga puno sa mga tuasik sa bomba, nga mingdulot sa iyang mga kaugatan ug tanan nang uban pa. Lamang... Kinahanglan gayud nga mahibaluan mo ang kaagi ni Ben, nakita n’yo. Panalanginan sa Dios kanang tawhana. Oo.

...ni kinsa gikatimrihan kamo hangtud sa adlaw sa inyong pagtubos.

²⁴⁷ Himatikdi! Karon medyo mokusi lang gayud kini og diyutay, apan himatikdi. Ayaw lang kamo kasuko kanako. Hinumdumi gayud.

²⁴⁸ Sa dihang mitan-aw sa makausa ang Israel niadtong pultahan, nga atua ang dugo sa maong pultahan, ang ngalan (ang dugo, ang kinabuhi), ug ningsulod ilalum niadtong dugo,

wala na gayud sila migawas usab hangtud nga minggawas na sila sa Egipto.

. . . ayaw pagsakita ang balaang Espiritu sa Dios, ni kinsa nagasulod kamo ug dili na nagagawas pa hangtud sa adlaw nga tuboson na kamo pagawas. (Kita n'yo?)

²⁴⁹ Kabalo mo, pirme husto ang Biblia. Nagabutang Siya og mga Pulong Dinha, kinahanglan nga ipahimutang mo Kini kung asa Kini angay nakapuwesto, aron himoon Kini, bug-os mahulagway ang katubsanan. Kita n'yo? Kita n'yo?

. . . ayaw pagsakita ang balaang Espiritu sa Dios, ni kinsa gikatimrihan kamo hangtud sa inyong pagtubos. (Hangtud nga natubos na kamo.)

²⁵⁰ Gikatimrihan ka na dinha, anaa ka ilalum sa Dugo. Dili ka na nagagawas pa. Ug unsa ka na kung ingon-ana? Anak na sa Dios sa pamilya sa Dios, nga gikatimrihan na pasulod pinaagi sa Balaang Espiritu. Dili ka na makuha pa sa Yawa bisan kinahanglan pa niyang buhaton; tungod kay patay ka na, patay na ang bahin sa daan mong bana; ug nalubong ka na, ug ang imong kinabuhi natago diha sa Dios pinaagi kang Cristo, ug gikatimrihan na pinaagi sa Espiritu Santo. Kita n'yo? Unsa pa niya pagkakuha kanimo? Unsaon pa man nimo pagpakagawas? Anaa ka na dinha! Himaya! Karon biyaan ko na kana; igo lang nga mahibaloan ninyo kung unsay akong gihisgotan.

²⁵¹ Dayon usa na ka bag-ong binuhat, dili ngadto sa usa ka denominasyon kondili ngadto sa Pulong. Ikaw usa na ka binuhat sa Pulong. Tungod kay gipahimutang na dinha kanimo ang batong pang-pundasyon sa wala pa ang pagkatukod sa kalibutan, gipili nang daan nga mamahimong mga anak nga lalaki ug mga anak nga babaye sa Dios.

²⁵² Ug ibabaw niini nagaabot ang bato ibabaw sa bato, sa matag kapanahonan, aron panghimatud-an kanang nagaabot nga Pulong, sa eksakto gayud nga gihimo ni Jesus sa Iyang kapanahonan, nga mao, ang Batong Pang-taklub niining tanan. Napahimutang ang matag kapanahonan diha Kaniya. Anaa kang Jesus si Moises. Anaa kang Jesus si David. Anaa kang Jesus ang mga propeta. Husto ba kana? Tan-awa si Joseph, gibaligya sa halos katloan ka buok nga salapi, gihagbong, gitooan nga patay na, gikuha, napaingon ug nahimong tuong kamot ni Faraon. Tan-awa, sa eksakto, si Jesus mao'y . . . Atua kang Jesus si Joseph.

²⁵³ Ug sa dihang miabot Siya, Siya mao ang kahupnganan sa mga hari, sa mga propeta (alleluyah), nagpuyo diha Kaniya sa pagkalawas ang tibuok pagka-Dios. Miabot Siya sa pagtubos sa Pangasaw-onon gikan didto, ang usa ka Obra Maestra. Usa ka Obra Maestra nga nagaingon kang Satanas nga . . .

²⁵⁴ Sa dihang moingon siya, "Milabay na ang mga adlaw sa mga milagro. Wala na'y ingon niana nga butang sama niining mga butang nga imong ginapanghisgotan."

255 “Pahawa ka sa Akong atubangan, Satanas.” Kita n’yo? Kita n’yo, usa ka Obra Maestra nga nagabarug ug nagabantay.

256 Moabot ang panahon nga magabalik ang Batong Pangtaklub, ang pangulo sa tanan niini, ug dawaton ang Pangasaw-onon ngadto sa Iyang Kaugalingon; nga gikuha ang maong babaye gikan sa lalaki, usa ka bahin sa lalaki. Ang matag. . . Ang mga gene sa lalaki anaa sa babaye, kung unsay nagapa-babaye niini. Ug ingon niana ang Pulong sa Dios sa Iglesia, kung unsay nagapahimong Pangasaw-onon sa Iglesia. Dili nga usa ka denominasyon, iya kana sa Yawa, ang matag usa sa mga niini. Wala ko ginatawag ang mga tawo sa sulod dinha nga; makalulooy sila nga mga nalimbongan nga mga tawo, sama sa giingon ni Jesus, “Buta nga nagaguyod og buta.” Ug dili Niya sila matawag pagawas.

257 Ug miingon sila, “Aba, natawo Ka tungod sa pagpakighilawas! Kinsa ang nag-ingon Kanimo nga moanhi dinhi? Unsang eskwelahan, unsang seminaryo ang nagaila Kanimo?” Miingon pa, “Aduna kami’g Moises dinha. Kami mga. . .”

258 Miingon Siya, “Kung nakaila kamo kang Moises, nakaila unta kamo Kanako.”

259 Tungod kay gisulat Siya ni Moises diha sa iyang upat ka mga basahon, “Ang Ginoo nga imong Dios magapatindog og usa ka maghahatag og Pulong, usa ka Propeta sama kanako, ug ang si kinsa man nga dili magapatalinghug niana nga Propeta pagapoohon gayud gikan sa kinataliwad-an sa katawhan.” Mao lang gayud kini. Ug unsa man Siya? Ang Pulong. Ug unsa man Kini? Ayaw gayud pagbilin og lewadura diha sa. . . Ayaw gayud pagbutang og unsa man nga lewadura taliwala Niini. Ayaw pagdugang og unsa man nga kredo, unsa mang denominasyon, tungod kay mahugawan kini mismo dinha, ma-impas na ang imong halad.

260 Dalion nato karon, mismo dayon, aron nga makakaon na kamo.

261 Himatikdi! Karon, kung ingon-ana, usa ikaw ka anak sa Dios, sulod sa balay sa Dios, usa ikaw ka kabahin sa ekonomya sa Dios. Mga Taga-Roma 8:1, “Kung ingon-ana wala na’y pagkahunukman sa silot niadtong mga anaa kang Cristo Jesus.” Tungod kay patay na sila sa kalibutan, buhi diha Kaniya, ug nagakinabuhi sa niining karong panahon, ginapakita ang Pulong nga gigamit sila sa Dios, o daan na silang giila, nga ginabutang ang ilang mga ngalan sa niining Libro sa Pangasaw-onon. Ug sa diha nga nagaabot ang mga Tubig sa niana nga binhi nga anaa sulod sa kasingkasing, ginapatubo kini ngadto sa pagka-Pangasaw-onon ni Cristo. Oh, sus! Ingon niini gayud ka-hingpit. Ingon na niana kini sa matag kapanahonan.

²⁶² Ang mga Lutheran, ilalum sa pagpamatarung, ang tiil, mitungha kini sa ingon niana; si Wesley, ilalum sa pagpakabalaan. Ang mga Pentecostal ilalum sa mga bukton, mga buhat ug mga panglimbasog ug uban pa, gikinahanglan mamahimong mga Calvinista...o gikinahanglan nga mamahimong mga Arminian, gikinahanglan nga mamahimong mga legalista. Apan karon miabot na kita sa ulo, sa batong-pangtaklub. "Grasya! Grasya!" ang singgit sa maong batong-pangtaklub.

²⁶³ Ang batong pangtaklub nga nagasinggit og unsa? "Grasya! Grasya!" Nakalabang na gikan sa kamatayon ug kredito, ngadto sa buhi nga Pulong sa buhi nga Dios. Ang bugtong gikatagana nga plano sa Dios alang sa Iyang kapanahonan, ang Iyang mga anak sa kapanahonan sa Pulong nga gi buhi pinaagi sa Espiritu sama sa aligato nga nagpasiga sa usa ka butang aron buhion kini; ug nanglingkod na karon diha sa langitnong mga dapit (sa pagkakaran), nga buhi na ug napailalum sa matag saad nga anaa sa Pulong. Dayon unsa may ginabuhat niana? Ikaw ingon nga usa ka bahin sa binhi sa Dios, usa ka bahin sa Pulong, ang uban pa kabahin usab sa Pulong sa Dios, nanaglingkod nga magkauban, ginapahayag ang tibuok Lawas ni Cristo, tungod kay walay lewadura sa inyong taliwala. (Kita mo kung unsay Iyang ginahisgotan, Igsoong Brown?) Walay lewadura sa inyong taliwala, ang Pulong lang gayud, nga nanaglingkod diha sa langitnong mga dapit, diha sa pultahan nga Iyang gipapuy-an sa Iyang Ngalan: Cristo Jesus.

²⁶⁴ Walay lewadura sa inyong taliwala, ginahatud niana diha sa pagkalawas ang bug-os kahupnganan sa pagka-Dios sa inyong taliwala. Dili kini mahimo niadtong kapanahonan ni Luther, dili kini mahimo sa kapanahonan ni Wesley, dili kini mahimo sa kapanahonan sa Pentecostal; kondili sa adlaw na nga mapahayag ang Anak sa tawo, nga mapadayag na, nga nangatigum balik ang Iglesia kauban ang bug-os Pagka-Dios sa Dios nga anaa sa taliwala sa Iyang katawhan, nga nagapakita sa mao gihapong makita nga mga ilhanan, nga nagapadayag sa Iyang Kaugalingon sama sa Iyang gibuhat niadto sa sinugdanan sa dihang napadayag Siya sa yuta diha sa porma sa usa ka Dios-nga-Propeta. Oh! Himaya! Gisaad na sa Malaquias 4, gisaad sa uban pang mga Kasulatan. Asa man kamo nagasimba? Sa balay sa Dios, nga nakalingkod (sa pagkakaran).

²⁶⁵ Karon, sa pagdali, tan-awon nato karon sa dinalian lang, ug dayon mopadayon sa mga... Sa napulo ka minuto mahuman na ta, kung itugot sa Ginoo.

²⁶⁶ Karon tan-awon nato ang pipila sa mga gi buhi ngadto niining balay sa Dios, sa ilang kapanahonan.

²⁶⁷ Si Enoch! (Mahuman na ta sa napulo ka minuto, kung maagwanta pa ninyo ang ingon niana ka dugay.) Tan-awa,

si Enoch mao niadto ang buhi nga Pulong sa Dios sa iyang kapanahonan, usa siya niadto ka propeta.

²⁶⁸ Tig-animag sa Dios ang usa ka propeta. Pila man ang nakahibalo niana? Ang—dili ginaaninag sa tig-animag ang kaugalingon niini, ang—tig-animag dili ang maong animag. Kinahanglan aduna’y butang nga moigo sa tig-animag—sa tig-animag aron moanimag kini. Busa usa ka pinili nga galamiton sa Dios ang usa ka propeta nga wala man lang mahimong ianimag gawas kung direktang anaa siya sa linya nianang ginaaninag, ang Dios, aron ianimag ang imahe ni Cristo, ang Pulong. Kita n’yo, wala na’y uban pa ang makahimo niini. Usa ikaw ka tig-animag, mao kana ang hinungdan kon ngano nga kinahanglan kaonon sa propeta ang libro. Mao kana ang hinungdan kon ngano nga kinahanglan niya kaonon ang linukot. Gikinahanglan niya nga maianinag kana nga Pulong alang nianang kapanahonan. Nakuha ba ninyo kini?

²⁶⁹ Himatikdi si Enoch, ang hingpit nga tig-animag sa Dios diha sa pagtipo. Sa diha nga human—human na ang Dios kaniya, Iya lang siya gibalhin, gisakgaw siya paitaas. Ang mekanika nga iyang naanimag nahimong dinamika sa Espiritu, ug gisakgaw siya paitaas.

²⁷⁰ Mao gihapon sa mga adlaw ni Elias. Si Elias, bisan sa iyang mga bukog, kon diin kanang animag. . . Ang tig-animag sa Dios sa iyang lawas ingon nga ginapahayag ang Pulong sa Dios. Ilang natungtong ang usa ka patay na nga tawo ibabaw niini, sa kalit lang nabuhi kini pag-usab. Kita ang unod ug bukog Kaniya, basta nga kita ang Pangasaw-onon ni Cristo. Nagatoo ba kamo niana? Bueno. Namatay Siya alang kanato, ug namatay na kita sa atong mga kaugalingon ug gilubong sa Iyang Ngalan, aron nga kita “dili na iyaha sa kalibutan, kondili anaa na Kaniya,” nga ang parehong pamilya sa Langit gipangalan kang Jesus Cristo. Mga Taga-Efeso 1:21 kana. Kay pareho ang Langit. . . ang pamilya sa Langit. Sa unsa gipangalan ang pamilya sa Langit? Kang Jesus. Sa unsa gipangalan ang pamilya sa yuta? Bueno, mao kana ang puluy-anan sa Dios kon diin atua ang Dugo. Husto ba kana? Mao kana ang pultahan, kana ang ganghaan, mao kana ang dapit nga gipapuy-an Niya sa Iyang Ngalan, ug ang Pulong nahimong unod ug nagpuyo ipon kanato. Kini ang Pulong nga nagaanimag ug nagapaaligato sa kapanahonan nga imong gikapuy-an. Mao kana kung unsa Siya, mao kana kung unsa si Moises, mao kana kung unsa si Jacob, mao kana kung unsa ang uban pa kanila, nga ginapaaligato kana nga Pulong sa Dios, ang tig-animag nga ginaaninagan sa Dios sa Iyang Kaugalingon. Ug miabot ngadto nianang hingpit nga imahe sa Dios, si Jesus Cristo, ang Obra Maestra sa Dios; gibunalan aron nga madala Niya silang tanan nga Pangasaw-onon nga nangahimong mga tig-animag.

271 Atua Kaniya si Moises. Atua Kaniya si Josue. Ug kung anaa ka Kaniya, atua ka na Kaniya sa wala pa ang pagkatukod sa kalibutan, sa pamilya sa Dios; nag-antus ka uban Kaniya, namatay ka uban Kaniya, napaadto ka sa krus uban Kaniya, nabanhaw ka uban Kaniya; ug karon anaa ka sa gihapon Kaniya, nga nagalingkod sa Langitnong mga dapit, nga ginareplektar ang Mensahe sa kapanahonan ngadto sa kalibutan, ang Kahayag alang sa kalibutan. “Kamo ang Kahayag alang sa kalibutan,” apan kung gitago kini sa taksanang alat sa denominasyon, unsaon man nila pagkakita Niini? Tungod sa inyong mga tradisyon, gihimo ninyong walay epekto ang Kahayag! Sa pagpaninguhang. . . kamong maki-denominasyon, nga nagapaninguhang ipahilayo ang Kahayag sa inyong iglesia; ayaw ninyong mosulod, ni tugotan man lang ninyo sila. Amen.

272 Undangon na gayud nato. Sus, aduna pa ko’y daghan dinhi. Kita—mahimong ipadayon nato. . . Oh, sus! Aduna kita’y lima ka minuto.

273 Nakita ba ninyo kung kinsa ang pultahan? Asa man gipahimutang sa Dios ang Iyang Ngalan? Kang Jesus. Unsaon man ninyo pagsulod sa Iyang Ngalan? Unsaon man ninyo pagsulod dinha? Pinaagi sa pagpabautismo pasulod dinha! Unsaon man? Pinaagi ba sa tubig? Pinaagi sa Espiritu! “Usa ka Ginoo, usa ka pagtoo, usa ka bautismo.” Kana ang bautismo sa Espiritu Santo.

274 Ginabutang lang kamo sa bautismo sa tubig diha sa pagpakigkauban sa mga tawo, nga naila mo nga nadawat mo na si Cristo. Kana ang Kamatuoran. Apan bautismo kini sa Espiritu. Mahimo kong ilitok ang Ngalan ni Jesus diha kanimo ug bautismohan ka, wala kana nagapahimong ingon niana.

275 Apan sa higayon nga ang kanang Balaang Espiritu gayud. . . ang tinuod nga Pulong nagaabot kanimo (ang Pulong, si Jesus), kung ingon-ana, igsoon, dili na tinago ang Mensahe nganha kanimo kung ingon-ana; naila mo na Kini, igsoon, bug-os Kining giiwagan sa imong atubangan. Alleluyah! Pagdayeg ngadto sa Dios! Amen!

I love Him, I love Him
Because He first loved me,
And purchased my salva- . . .

Minahal nga Dios, nagaampo ako nga Imong ayohon kining mga tawo, Ginoo, ug himoon ang matag usa kanila nga maayo na. Sa Ngalan ni Jesus Cristo. Amen.

276 Oh! Gugma! Oh!

Sukad gayud, nga nakita ko pinaagi sa pagtoo
ang kadtong agas

Nga nagagikan sa Imong nagaagas nga samad,
(gikan niadtong Obra Maestra)

Ang nagatubos nga gugma sukad mao na'y
akong tema,

²⁷⁷ Unsaon man nimo... Ang Dios Gugma. “Ang kinsa man nga nagahigugma iyaha sa Dios,” iyaha sa Dios, nga balaang gugma, dili mahugaw nga gugma; limpyo, putli, balaang gugma, gugma sa Dios nga mao ang Pulong. “Ang mga kasugoan Mo nga gitipigan ko sa akong kasingkasing, aron dili ako makasala batok Kanimo,” oh, sus, si David kana nga nagatuaw. Dili ba Siya pagkamaanindot? Wala ba ninyo Siya ginahigugma?

²⁷⁸ Karon, aduna’y usa ka Dalan, usa ka putli, balaan nga Dalan, ang bugtong tagboanang dapit nga pagatagboon ka sa Dios. Dili tungod kay nagaingon ka, “Dios, karon, usa ako ka maayong Methodist. Usa ako ka maayong Baptist. Usa ako ka maayong Pentecostal.” Dili! Tungod kay ikaw anaa kang Jesus nga Pulong, ang bahin nga Pulong nga napadayag sa karon, ang Mensahe sa niining panahon; dili nga iya ni Luther, ni Wesley, sa Pentecostal; kondili sa imong Jesus, ang aninag, nga midangat ngadto *nini*. Dili mo mahimong balikan kana, pagdugang na kana og levadura sa imong balaang Tinapay, nga, “Ang tawo mabuhi sa matag Pulong nga nagagula sa baba sa Dios, sa tukmang panahon Niini.”

²⁷⁹ O ali na, Ginoong Jesus, ang dakung Pangulong Bato. Tan-awa ang atua didto, ang abog nilang mga Lutheran nga nangamatay kaniadto ilalum sa pagkamartir; tan-awa sila niadtong mga Methodist.

²⁸⁰ Kaniadtong mga Pentecostal ug uban pa, nga mamangon na karon, kadtong tinuod nga nagagawas nga kinaiyahan.

²⁸¹ Kamong mga Assemblies of God nangadto ug nag-organisa, sa diha nga ang mismong butang nga gipahigawas kamo sa Dios, gibalikan ninyo mismo sama sa usa ka baboy ngadto sa lunangan niini.

²⁸² Kamong mga Oneness united, ang daang J.C. of... Pentecostal Assemblies of Jesus Christ. Ang usa para sa mga itum, ug gibulag-bulag ninyo ang inyong mga kaugalingon tungod sa segregasyon. Kamo nga gihimo kana, ug dayon gitipon-tipon ninyo ang inyong kaugalingon ug tawgon kining “United.” Ug dayon nag-organisa, ug nakiglantugi na sa mga Assemblies: “Maingon sa usa ka iro nga nagabalik sa iyang sinuka.” Kung nagahatag og sakit sa iro ang sinuka sa una pa lang, dili ba mohatag kini kaniya og sakit pag-usab? Usaba ang inyong ginakaon nga gikan sa inyong denominasyon paadto sa Pulong, ug mabuhi kang Cristo. Makaulaw kamo!

I’ve got a Father over yonder,
I’ve got a Father over yonder,

I've got a Father over yonder,
On the other shore.

Some bright day I'll go and see Him,
Some bright day . . . go and see Him,
Some bright day I'll go and see Him,
On the other shore.

Oh, won't that be a happy meeting,
Won't that . . . (Ang Pulong nga paingon sa
Pulong!) meeting,
(Sa dihang pakayab na ang Pangasaw-onon,
Pulong na sa Pulong.) . . . happy meeting,
On the other shore.

Oh, that bright day may be tomorrow,
That bright day may be tomorrow,
That bright day may be tomorrow,
On the other shore.

²⁸³ Moingon ka, "Tinuod ba kana ang imo, Igsoong Branham?"

²⁸⁴ Oo, sir! Sa diha nga ang mga Lutheran niadtong kapanahonan, ang mga Wesley sa ilang kapanahonan, ang mga Pentecostal sa ilang kapanahonan (kadtong mga tinuod, dili kadtong mga maki-denominasyon); nga mga Pentecostal, ang kadtong nagdugang og lewadura (ang ilang denominasyon), nangamatay. Apan kining matuod nga Pulong nagapadayon, kita n'yo. Sama sa giingon ni Jesus, "Niadto unyang adlaw, inyong maila nga Ako anaa sa Amahan ug ang Amahan ania Kanako, ug Ako anaa kaninyo ug kamo ania Kanako." Ang Pulong Kini tanan!

Oh, won't that be a happy meet- . . . (sa diha nga magkatigum na ang mga anak Niya sa Iyang ganghaan)
. . . happy meeting
Won't that be a happy meeting,
On the other shore.

²⁸⁵ Karon, iglesia, nagatudlo kita karon. Apan, hinumdumi, sa diha nga mobiya na kamo dinhi, sugdi na ang paglingkawas sa tipaka karon; paingon na kamo ngadto sa lugas, apan magbulad diha sa Presensiya sa Anak. Dili magdugang, sa kung unsay akong giingon; ayaw kulangi, kung unsay akong giingon. Tungod kay, nagasulti ako sa Kamatuoran sa kutob sa akong nahibaloan Niini, maingon nga gikahatag kanako sa Amahan. Kita n'yo? Dili magdugang Niini, isulti lang kung unsay akong giingon.

²⁸⁶ Ang importante niini mao'y, sultihing lang ang mga tawo nga moanhi sa pagpangita kang Ginoong Jesus. Ug dayon kamo sa inyong kaugalingon magbulad mismo sa Iyang Presensiya, higugmaon gayud Siya, "O Ginoong Jesus, Anak sa Dios,

gihigugma ko Ikaw. Humoka ang ang akong kasingkasing, Ginoo. Tangtanga ang tanang kahugawan ug paghigugma sa kalibutan, ug tugoti akong magkinabuhi nga balaan sa kalibutan karong panahona sa atubangan Kanimo.”

²⁸⁷ Iduko nato ang atong mga ulo alang sa pag-ampo. Karon, tan-awon nato, aduna na ba kita’y si kinsa man nga natukahan na aron makapapauli kanato diha sa pag-ampo? O, ako na, kung ingon-ana. Magmatinahuron lang gayud.

²⁸⁸ Minahal nga Dios, nagapasalamat kami Kanimo nga nabatonan namo ang among espirituhanong kalan-on. Nagapasalamat kami Kanimo, Ginoo, nga ang bitamina sa Pulong nagapadaku sa mga anak sa Dios. Dili Kini mo-epekto sa uban pang lain nga matang sa tawo, sa mga anak nga lalaki lang ug mga anak nga babaye sa Dios. Busa ginapasalamatan Ka namo tungod Niini. Ug nagaampo kami, Dios, nga makapahimulos kami niini, nga dili lang nga mapasalamatan Ka namo. Ginapasalamatan Ka namo tungod Niini, apan hinaut nga gamiton namo ang kusog sa pagpaninguha (pinaagi sa gugma) sa pag-aghat sa mga tawo nga toohan ang among Dios; ang mga nahisalaag, ang mga makasasala, ang mga kababayen-an, ang mga kalalaken-an, ang batan-ong mga kalalaken-an, ang batan-ong mga kababayen-an, sa niining kapanahonan.

²⁸⁹ Sa diha nga makita, Ginoo, nga ang mga pangutok nga kahimtang, sa maong makanerbios nga kapanahonan nga gikapuy-an sa mga tawo karon, ginatulod sila niini nga mawala sila sa ilang pangutok; aron eksaktong matuman kung unsay giingon ug gisaad sa Kasulatan, nga moabot ang grabeng makalilisang nga mga butang ibabaw sa yuta; sama sa mga dulon, nga moatake sa kababayen-an nga nagapaputol sa ilang mga buhok, magkaaduna sila og tag-as nga mga buhok sama sa usa ka babaye. Ug nagkalainlain pang mga makalilisang nga mga talan-awon nga mahimo nilang makita, Ginoo, sa nianang pangutok, nga nalimbongan nga kahimtang kon diin anaa sila karon, ug dayon mosinggit alang sa mga kapangpangan ug kabukiran. Mga kababayen-an nga moatiman pa og mga iro ug mga iring, ug ayaw magpadaku og mga anak aron pasidunggan Ka. Kadtong mga gikahatagan Mo og mga anak ug nahimugso gayud nila sila, nga gipangpasagdan sila didto sa kadalanan nga buhaton ang gusto nila. Dili ikatingala nga giingon Mo, Ginoo, sa dihang paingon Ka na ngadto sa krus, “Kung ingon-ana mangsiyagit sila alang sa mga kapangpangan ug kabukiran nga pangtumpagan sila.”

²⁹⁰ Makita namo ang pagpanglihok sa tanang uban pang butang ngadto niining panahona. Makita namo ang Kasulatan nga ginapanghimatud-an, ginapamatud-an. Ug sama gayud nga makita namo Kana, Ginoo, Ikaw pinaagi sa mismo namong mga mata (ingon nga nadayag), magkaaduna og usa ka Pagsakgaw sa umalabot ug makita na namo ang kapadayagan nianang

Pulong, “Kay magaabot ang Anak sa tawo nga sinapwang sa mga panganud sa himaya, nga ang Iyang mga balaang manolunda kauban Niya, ug pagasakgawon kami aron sa pagsugat Kaniya diha sa kahanginan.” Mahitabo kini kung ingon-ana... Madungog namo kini karon, kung ingon-ana makita namo kini sa kaugalingon namong mata.

²⁹¹ Hinaut nga mahikaplagan kami diha Kaniya, Ginoo, ang bugtong gikataganang dapit. Ug Siya mao ang halad. Ginadala namo Siya, nga unsay napatalinghugan namo, si Jesus Cristo, ngadto sa balay sa Dios pinaagi sa bautismo sa Espiritu Santo, sa Ngalan ni Jesus Cristo. Ug dinha ginadawat ang among halad ug ginadala kami pasulod sa maong pamilya; tungod kay, bisan pa nga nahisalaag sa kalibutan, gipili na kami nga mga anak nga lalaki ug mga anak nga babaye sa Dios sa wala pa ang pagkatukod sa kalibutan. Salamat Kanimo tungod niana, Amahan. Oh, unsaon pagbuhat ni kinsa man nga talikuran ang usa ka butang nga sama niana, sa dihang nakaplagan na nila ang Kamatuoran, nga pinili sila sa Dios gikan sa kalibutan? Aduna’y minilyon nga nangalaglag, niadtong adlaw nga naluwas ako.

²⁹² O naghimalatyon nga Cordero, unsaon ko man sa pagpasalamat Kanimo? Unsaon pagkahimong igo na nga matinahuron gayud ang akong kasingkasing sa Imong atubangan? Tabangi ako, minahal nga Dios, nga magkinabuhing matinud-anon. Tabangi ang akong mga tawo nga magkinabuhing matinud-anon. Nagaampo ako alang kanila, Ginoo, sa matag usa, nga Imong buhaton. Dios, bisan pa man, dili ko... Dili ko kahibalo kung unsaon... Dili ko kahibalo kung unsaon, kung unsaon gayud ang paghangyo, Ginoo; ug wala ko gani tingali ginahangyo kana sa hustong paagi. Apan pasayloa ang akong pagkawalay-kahibalo, Ginoo, ug tan-awa na lang ang akong kasingkasing. Nagaampo ako nga wala ni usa kanila ang mawala, ni usa man kanila, Amahan. Ginaangkon ko sila, ang matag usa, para Kanimo. Sa Ngalan ni Jesus Cristo. Amen.

I love Him, I . . .

Ug kung nahigugma kamo Kaniya, maghigugmaay kamo sa usa’g usa. Makiglamano sa kamot sa usa’g usa.



ANG BUGTONG DAPIT NGA GITAGANA
SA DIOS NGA PAGASIMBAHAN CEB65-1128M
(God's Only Provided Place Of Worship)

Kining Mensahe ni Igsoong William Marrion Branham, una giwali sa Ingles niadtong Dominggo sa buntag, Nobyembre 28, 1965, sa Life Tabernacle sa Shreveport, Louisiana, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2012 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org